

度

支

奏

議

度支奏議目錄

堂稿十七卷

覆監生陳忠錫等納銀有據疏

歲籥更新衰庸宜退疏

進繳春和興復屯政聖諭疏

微臣衰病日深兵餉拮据不前疏

會同總督倉場合疏回奏疏

吏治更始謹陳釐剔十款疏

簡舉錯誤緣繇乞恩認罪疏

再奏查叅失落移咨乞恩認罪疏

題薊永地土未奏屯種議罰疏

謹陳江右新餉壓徵之繇仰冀

聖明詳察疏

查明行取各官錢糧疏

回奏給發選鋒行糧疏

查明行取各官錢糧疏

簡舉行取知縣黃纘祖脫前職名疏

太僕光祿借銀回奏疏

恒暘示儆懇恩譴斥以回天心疏

剖明龐杰黃金貴等開復查叅之繇疏
題詞六七兩年未完京邊襍項錢粮疏

度支奏議卷之十七

太子太保戶部尚書淄青畢自嚴視草

覆監生陳忠錫等納銀有據疏

題爲遵

旨回奏事先該巡視科院申爲憲等題叅納監無容

緣繇奉

聖旨據叅陳忠錫等援納情弊着刑部提了究明具
奏欽此又戶科抄出本部山西清吏司管理邊餉
兼用庫降二級照舊管事郎中喻思慥奏爲簡

慶吏奏議

舉認罪並癉積書狀候胎廟事奉

聖旨事例一項奸弊叢集精心剔覈全在該司况事
係查叅如何不親行磨勘一在稽胥釀開喻思憚
疏內簡舉事情還着堂上官查明來看沈應聘着
刑部提去嚴究擬罪具奏該衙門知道欽此該臣
等欽遵

明命隨取事例堂收受事例銀簿細加查閱內開民
生陳忠錫于崇禎二年二月二十五日援納銀
三百三十兩增生任之璟于崇禎二年三月十

五日援納銀一百九十兩附生白受采于崇禎
二年六月十五日援納銀二百六十兩俱前任
山西司郎中張鵬翀出客訖臣等猶恐不的復
劄太倉庫查原日收銀簿隨據主事易孔贊回
稱納銀數日月日俱各相同則陳忠錫等似委
無情弊可疑再取該司發客冊稽查對則見白
受采果未開載矣任之璟果係續添矣陳忠錫
果悞開納銀三百五十兩矣及查兩年前經承
出客者沈應聘也今以有客爲無客悞司官并

誤科目者亦沈應聘也如白受采原係脫寫猶
可諉之疎略至任之璟爲之續添者何心復開
耨無容者何心乎陳忠錫援京官隨任例以三
百三十兩出容仍以三百五十兩登冊者何心
且冊既有名矣而又稱無容者復何心乎此在
刑曹一鞠自明沈應聘誠無所逃罪矣乃司官
喻思慥適因歲暮查覈各邊完欠錢糧照管未
周以致有此疎失臣等亦不敢爲之諱過但念
思慥當逆虜充斥之時冒死務關一帶收歛凍

糧以百餘萬石計亦似効有微勞且管理邊餉
夙夜在公委非敢於玩愒前據科臣移查本意
止慮奸胥通同以無爲有遂題叅恐後誠不料
其以有爲無也者且納銀出谷事隔兩年登冊
查冊皆應聘經承又非兩手其爲錯悞尤思慥
意想之所不及也至纔聞

明旨思慥心不自安再取堂冊磨勘駭知其悞隨自
簡舉認罪仰荷

皇上至仁不卽加罰容臣等查奏似亦

憐其牛馬無他

爲天厚地臣等實共銜戴不獨思慥一人已也今臣
等據實查明幸而陳忠錫等尚未提到沈應聘
見送法司未嘗漏網司官喻思慥罪戾固已難
道事情不無可原應否

寬宥薄罰取自

上裁露雷總屬

天恩非臣等所敢冒昧也

崇禎四年正月十四日具

題本月二十日奉

聖旨據奏陳忠錫等納銀有據文冊何故遺錯喻思
慥未經磨對輕率摘叅及奉旨方行簡舉疎玩何
辭念理餉有勞且事非經手姑免罰治陳忠錫等
援納情節着刑部速將沈應聘研究明確奏奪該
衙門知道欽此

歲籥更新奏庸宜一疏

奏爲歲籥更新衰庸宜退仰控

聖慈俯允乞骸別簡賢能以裨

國計事臣本溝壑斷林井心廢棄遭逢

聖明拔居錢穀之司臣愚不自量力老馬爲駒以手

足之隕于巖疆而臣不敢卸以邊腹之視爲怨

叢而臣不敢避以二賢之呻吟朝夕而臣不敢

休黽勉鞭策用圖報

恩遇於萬一然

聖眷日深而臣之罪戾亦日積矣當此春回黍谷計
典聿彰薄海臣工莫不陟明黜幽共仰

維新之化而

朝班之上廼有枯朽如臣謏劣如臣者尚不亟自
引退其無乃甘爲頑鈍蔽賢路而悞

國計乎向者奉職無狀屢懇

聖恩釋放歸田荷蒙

皇上不加斧鉞之誅許以桑榆自效臣以軍興倥偬
主憂臣辱恐涉規避之嫌不敢堅意求退今論時則

傳烽舉燧之漸稀論才非更絃易鼓而不可若
臣之技能久已見於天下矣閭閻日困非盡有
司之撫字乖也臣實無能休養樽節爲四方培
元氣也庚癸難戢非盡閭外之制御疎也臣實
無能灑惠流膏俾三軍快果腹也從前條議非
不連章累牘然皆集衆思以待

宸廡所賴以支吾三載者非臣之果有纖長至于奉
行又非不舌敝頽枯然皆賴

明綸以警人心所懼於覆餗一旦者實臣之無容諱

短況今奴捕未平、益以難學、一處蔓延則一處
之兵餉祇有費而無補、卒創不足加以兵荒一
日調援則一日之費、儲其神運而鬼輸入春以
來眩暈時作、僵仆堪虞、離心碎髻枯而黔技又
窮、曾何裨於緩急之數、況臣木強之性、素不諧
俗、昏憊之衷、近多周章、百凡批漏、絕少劈畫、撫
躬循省、真有一萬萬不敢一刻安於尸素者矣、我
皇上赫然中興、安攘伊始、非常之業、必待非常之臣、
今在部同官、及各衙門卿貳、率多英妙敏練、堪

以重任

皇上左顧而右盼且不勝收又何藉于臣之久試問
效者也倖免鼎鑊得盡天年于草野將世世
戴

高厚有餘榮矣伏乞

皇上垂憐大恩准其休致

特簡心計賢臣刻期代臣受事軍

國幸甚微臣幸甚

辛禎四年正月二十日具

奏本月二十一日奉

聖旨軍儲方急計務殷煩卿籌畫詳練精力正優何
得遽有引請着卽出安心視事用耐委任已部知
道欽此

進繳春和興復屯政聖諭疏

題爲

進繳

聖諭事崇禎四年正月二十日恭接司禮監太監宋
晉等傳奉

聖諭近來每議興復屯政今有李致和白養粹等產
并軍民所遺地土法宜及時種收本色少息輸輓
之勞如何地方官通不上緊料理著該部傳諭該
督撫按道即將永灤薊遵等處一應叛逆故絕產

度支奏議

業勒限通查造冊速奏不許姦民侵占欺隱亦不
許積棍猾胥指稱擾竊仍議授畝耕種立何規則
收穫子粒抵何款項凡所有應行事宜一并確商
詳酌具奏施行特諭欽此欽遵臣等竊照屯田之
制寓兵于農以守爲戰今遵永一帶即未能遍
地爲屯軍皆授畝法當以逆產絕業爲之兆端
案查崇禎三年五月二十六日該臣部覆科臣
祝世美題湊糧餉以飽士卒一款奉有

欽依咨行督撫按道轉行各該地方勒限半月據實

奏

聞去後續止報有李致和田產數目而他尚杳然亦
無確議雖屯法肇修必多方熟計未易以草草
塞責然已及改歲又何辭于怠緩也况乘時舉
耜正在春和仰廛

睿慮淵深

聖諭諄切誠如春雷一震群蟄皆醒有不速圖竣事
者非情矣其中丈勘宜明責成貴一分授必均
抵銷必核一聽督撫按道因地制宜諒督撫諸

臣自有許謨石畫無煩臣之代斲矣臣部已刻
期行文責令地方一面查勘田土勿擾勿漏一
面酌定營伍授田幾何牛種幾何子粒幾何抵
餉幾何通限二月初旬核造清冊具奏踰限不
報者另行叅罰以信

詔旨斯亦務農力本足食籌餉之要道也所有

聖諭一道具本

進繳謹具題

知

崇禎四年正月二十一日具

題本月二十四日奉

聖旨知道了欽此

微臣衰病、深兵餉拮据不前疏

奏爲微臣衰病日深兵餉拮据不前懇乞

天恩俯賜允放以無悞軍

國大計事、於本月二十日具疏以衰庸乞骸隨
蒙

聖旨軍儲方急計務殷煩卿籌畫詳練精力正優何
得遽有引諸著即出安心視事用付委任該部知
道欽此臣捧讀

明綸惶愧無地感極涕、夫軍儲關係在封疆而計

務關係在邦本此非精力素優而籌畫詳練未易勝任而臣非其人也臣以蒲柳之資馳驅中外已四十年備歷艱險而臣之精力銷亡矣內軫民隱外供軍儲曲計而不能曲全兩籌而未免兩誤而臣之籌畫踈畧甚矣不意誤蒙聖恩獎飾踰涯而臣拊心自揣未有當也近且竄海援兵之衆經年不解薊永新集之師召募未足軍驕無厭急折色又急本色索行糧又索月糧每虞新餉之難繼九塞待哺含民運專閔京運

完當年尚逋先年殊苦舊餉之難支雖按月逋
發已報呼譟無等又繞計貽加賦又恐敲浚無
藝矣方寸昏憤曾一籌之莫展手足無措將跬
步以難前此臣魚奉職無狀自知甚明而無所
逃於

聖鑒者也目今淹崦日逼愁病相煎痰涎壅盛恐一
蹶而不可復起牀褥呻吟寧高卧而克堪主計
蓋少不如人而年愈衰則重任愈覺其忝竊病
緣憂餉而病愈深則餉務愈恐其叢脞夫一身

之性命猶輕而

朝廷之封疆最重臣誠負芒坐針不能一刻即安者
也用是頂禮

鴻慈再于乾斷伏祈

皇上憐念三年來竭蹶之苦稍存四十載帷蓋之恩
准乞骸骨放歸田里何異起死人而肉白骨也

芟耘庸耄

簡畀英俊是在

皇上自爲軍

國計耳。曷勝哀籲懇禱之至。

崇禎四年正月二十三日具

奏本月二十五日奉

聖旨卿軫邊籌國素著精勤前諭已明何乃復有陳
請軍儲時刻難稽着遵旨速出料理毋得再延
部知道欽此

會同總督倉塲合疏回奏疏

題爲遵

旨合疏回

奏共襄漕儲大計事崇禎三年十一月十八日
科抄出該總督倉塲臣錢春題爲舊漕名竣而
實不竣新漕外急而內不急據實奏

聞伏懇

聖明勅部收拾料理并議分別輕賁抵銷借銷等銀
毋濶入節省充餉以損京儲等事本年十一月

十七日奉

聖旨據奏舊糧尚未入厰急須抗夫脚價新糧轉販待運預備口袋剝船說得是至云輕賚銀兩原回節省及抵銷借銷歲損漕額該部主計督倉事屬一體著將疏內事宜互商確酌合疏回奏毋得彼此推執倉場職專運務以後著每歲巡通督餉仍照巡倉舊例舉劾考成卿加意料理勿避事權致誤漕糧大計該衙門知道欽此欽遵間又戶科抄出該戶部尚書臣畢自嚴奏爲督倉事權原重

微臣節省招尤懇乞

聖明歸併專理以免紛爭等事本年十一月二十四

日奉

聖旨部臣倉臣職任國儲正當同心共辦卿加意撙
節朕所鑒悉及錢春循職條議念總急公着卽遵
旨商酌合奏以期濟事不必徒務剖陳該部知道
欽此欽遵該臣等互商確酌會同看得漕儲關
軍

國第一大計而挽遲爲速尤今日漕儲第一

新政臣等方期共竭助勦以祈釋

聖明之宵旰惟是臣嚴職專會計臣春職筦倉儲責
任原有攸關因各竭其愚衷仰塵

聖覽及奉

明旨互商確酌合疏回奏臣等且感且媿敢昧同班
之誼而忘共濟之圖謹將疏內事宜商酌剖陳
惟

聖明垂聽焉夫漕糧繇起剝而進倉繇進倉而入廩
有不容已之費則腳價是也有必當斟酌之用

亦腳價是也蓋腳價出自輕賚往日徑解通庫
憑所支給近改解太倉臣部始得稽其出入節
其冒濫計歲額僅四十萬自去歲解入太倉一
年之內先爲凍糧約用運價銀十餘萬繼爲三
年漕糧四年新糧又發雜用銀二十七萬大畧
計三十七萬有奇蓋以一歲完兩歲之運未事
爲先事之圖臣等雖百計節縮而騷然煩費自
所難免此外間有積餘則係催完先年拖欠之
額而非當年輕賚之數也以通廳言之合經紀

車戶等自崇禎三年二月至今正月共領過糧
一十萬四千五百八十餘兩所未找者僅軍糧
水腳之三千一百六十一兩土壩車戶之一千
二十三兩與白糧經紀代運腳價之六百五十五
一兩耳而軍糧經紀與兩壩船戶昔年透支今
不敷扣之一萬八千餘兩不與焉以大通橋宣
之本年先後發過腳價銀五萬四千餘兩所未
找者止三千一百餘兩耳而白糧車戶代運之
一千一百餘兩則全給矣又如它運廳腳價領

過銀一萬二千二百兩河西務新運腳價銀
萬四百一十七兩零天津運價銀三萬六千五
百三十九兩五錢又郎中喻思慥督運凍糧水
陸腳價銀二萬七千三百五十一兩有奇此皆
當年見發之數也至在京六倉各役腳價除補
過凍糧腳價銀一萬三千三百餘兩外本年救
過京倉漕糧一百九十萬五千餘石共該腳價
銀三萬四百四兩零舊例多係壓支延至隔年
方始給發又腳價內有房水一項原爲旗軍歇

宿之費向以虜警旗軍不到因暫留此項不
今恐官旗歇家漫不相涉卽有掛欠無人追尋
不免仍給房水一項以存舊貫先給十分之六
實領過銀一萬八千二百四十餘兩僅留四分
接濟新運俟春夏之交完給蓋給其六以免壓
支存其四以省透支而又采京糧廳之議於十
分之中照單例爲扣一之規以明節省此法似
可永永通行則

明旨所謂舊運急湏抗夫脚價而脚價之當議者

也至若新糧轉賑最急惟口袋制船二事蓋修
船製袋亦出輕賚之內亦筭腳價之中舊規通
州各經紀三百三十名每名製口袋七百條先
期召買完運清筭茲三年糧運旣竣通廳具請
領舊置新臣等已發銀一萬四千二百二十兩
置買新袋預備新運但須通廳清核足數無使
咄嗟悞事耳至夫浙省裝糧口袋原係昔年權
宜就便收買之意自天啓六七年至崇禎元二
年分共開支輕賚銀二萬二千九百餘兩所置

口袋既非合式而猶掛欠纍纍無裨實用應
廢也相應亟止此項仍將輕賁完解以省冒
可也剝船則通廳它運廳所經燒燬者去歲
初俱經發銀督造以濟舊運矣計所發通廳排
造修艚銀共二萬五千一百七十七兩又它運
廳排造修艚銀一萬九千七百四十二兩矣獨
務關剝船八百隻被燬三百四十八隻去歲夏
初就近責令務關製造一百隻已用銀八千兩
矣其餘照例派令淮廠造解一百八隻江西

廣各造七十隻除務關原船與新製者及通關
運廳等處臣等經委員外張亮查驗明白今將
關又現發修艚銀二千一百四十九兩矣其所
需江廣淮廠等船原限秋末冬初抵關今淮廠
俱約以春月蚤到江右以空舟來往煩費徑將
本船裝爲運舟此亦一便但抵關交兌向多濡
遲甚則侵費故船之堅瑕交之完欠須有法以
稽之此後新船到時先赴臣部投文卧批容臣
等責令該關驗實給領剝戶方准掣批庶來者

不致以損漏充數而領者不致以毀薄積弊
既足額運皆實者則

明旨所謂新運急須口袋剝船而船袋之當議者此
也夫此完糧腳價與修船製袋總出輕賁卽運
官有應領簞夫羨餘小封蓆葦等銀亦皆出於
輕賁但運官糧完者各項銀兩自應領出其未
完者仍將本項扣除名曰抵銷或借本衛後官
以補前官或借本幫別運以抵本運名曰借銷
再有不足仍行追比蓋衛官不肖者多是以

欠亦多與其銀既領而糧仍不完何如卽以應領之銀補原欠之米且每歲京軍原有四十兩月放折之例卽以抵銷之銀給放折色漕額不致缺少而折色仍易取盈計無便于此者但往時輕賫支領皆在通廳各衛官銷筭亦在通廳近銀解太倉通廳漸以銷筭爲諉不知銀雖入于太倉而各衛官應領數目仍在通廳以後宜著爲令不論京糧邊糧俱歸通廳銷欠若衛官有不赴銷者京廳運廳之責銷筭有不明白者

通廳之責人人著緊處處清楚正額不虧羨餘
自出舊例每歲約以十四五萬抵充舊餉今計
四年爲始宜以十萬爲額寧留餘地以供漕餉
仍照舊例以哺九邊

明旨前云務詳核扣抵贏餘充餉者已洞見其然矣
近又現發修理閘壩銀二萬三千六百四十餘
兩工部尚且請益現在具奏此孰非輕賫節利
者蓋輕賫入太倉原與京邊漕折分爲三項未
嘗混淆邇來借解新餉亦偶代一時之匱今且

撥補一十二萬餘候續補其有掛欠而抵銷
銷者美明劄庫若遇應放折色月分卽改輕
爲漕折便可照數支放頭緒旣清支使不亂
則明旨所云輕賚銀兩原可節省及抵銷借銷之當議
者此也總自輕賚改解太倉

聖慮費幾躊躇臣等何敢不亟汰冒濫共圖節省以
副贏餘可繼之

旨漕糧務求速竣

聖慮亦費幾申飭臣等又何敢故爲膠執致滋稽延

以違挽遲爲速之

旨彼此總爲漕務議論實無岐見况蒙

皇上厚恩寬其謬迷責以共濟所不同心圖

國一體靖共者義之所不敢出也既經臣等疏陳

奉

旨回奏相應合疏具覆恭候

命下臣部一體欽遵施行

崇禎四年正月二十五日具

題本月二十八日奉

聖旨擬奏運夫腳價及自袋剝船等項事宜知道了
抵銷借銷既屬可行卽著留放折色其輕賫銀兩
三年分支費款項原多過此儘堪節省依議從四
年爲始以十萬兩抵充舊餉餘著另貯聽用近有
借解新餉的俱要盡數補足收放總歸太倉銷筭
仍屬通廳卿等主計督倉一體查核不得彼此執
卸該衙門知道本內孰字錯寫孰字改正行欽此

簡舉錯誤緣繇乞恩認罪疏

奏爲簡舉錯誤緣繇乞

恩認罪仰祈

聖鑒事臣於二月初二日出署接吏部尚書王永光
手書謂江西布政使何應瑞任俸緣繇曾否有
咨到吏部曾否開俸凜奉

嚴旨希即查示以便回

奏到臣臣不覺驚惶無地而自分無所逃罪也其
錯誤緣繇謹據實爲我

皇上陳之查臣部三年十一月內因外解中斷具有
新餉匱乏已極一疏內開各省直分其欠少者
如陝西之多事廣東福建之數萬聽其自行速
解姑且免議其欠多者如浙江江西河南應天
鳳陽撫屬等府似應照例處分恐有起解在途
難以預定所當責成司府先行降俸戴罪督徵
勒令歲終全完違者倍加降斥等因十一月十
五日奉

聖旨這省直欠餉司府等官先後降俸督徵陝西

三省姑免議嚴儆其損功優免銀兩併着
宣報速解歲終再分別完欠具奏欽此欽遵本月
十七日科抄到部例應行文隨據新餉司郎中
今降二級照舊管事薛邦瑞著令經承書役王
守正稟稱現今奉

旨省直欠餉司府等官除通行申飭各省直戴罪督
徵外今欲移咨吏部但查原題疏中總括省直
司府在內未有臚列各官職名亦未有吏部字
樣應否移會未敢臆決請乞堂裁比時臣思各

府職各一時未易的確恐嚴於藩司而或遺於
府屬亦非法之平也即令先行都察院並各省
撫按等衙門督催起解既無職名不便移會况
覲冊一到年終查叅又在眼前此未咨吏部之實情
而未敢有一字之欺也至於清查三年完欠臣
部近已具疏入

告申明倍罰之例如布政使何應瑞亦在議處臣
敢以新磨

請少為寬假矣在司官稟裁於臣原奏

臣兢惕從事竟於倉忙之際未及斟酌點簡遂少此項移會而至有今日之錯誤是臣等昏愚之罪萬不能逭者也查原疏所開拖欠至二百餘萬賴

聖明威靈震疊不一月間外解雲集而見欠者不過百萬是

皇上爲度支計者備極周詳臣等不能仰體

聖意而奉行無狀捫心自揣實難逃於譴謫者也謹席藁待罪據實簡舉仰祈

聖鑒俯賜矜宥臣不勝戰慄待

命之至

崇禎四年二月初四日具

奏本月初七日奉

聖旨錢糧積逋每請申飭及奉明旨并移會故事亦
不遵行誨玩導違自該部始外更何所懲忒且去
歲嚴旨屢申這本內何不詳述督府職名有何難
查及借寬藩司降罰移會但職掌相關何必定有
吏部字樣卽近日清查新餉一疏何應端項下獨

不載三年分完欠是否不少寬假端範率屬實心
體國全在爾等大臣豈應曲徇若此還着該司監
自行回奏欽此

治更始謹釐剔十款疏

題爲吏治更始民窮宜甦謹陳釐剔十款仰祈
聖明申飭寓內有司共圖保民實政以廣

皇仁以維萬世治安事臣聞

聖王御世惟以保乂寓內爲先儒者服官要以節用
愛人爲本

國家以親民之責寄於求牧之有司三年考績惟
以保障爲盡職繭絲爲鰥官故周時六計皆冠
以廉漢代循良必稽戶口蓋操守潔者無不愛

其黎民而生聚繁者斷難幾之墨吏良有以也
邇者計與方行旌異懲貪涇渭分明

恩法罔貸大小臣工諒各洗心震疊之下矣此時薄
海蒼黔莫不延頸跼踵謂我

皇上整頓官方驅除民害如此其嚴且盡也旦晚

膏澤下究百倍尋常當何如者惟是貪墨雖去弊政
尚存誠恐奸胥或習爲盤踞庸才亦憚於改絃
不於此際申明禁約痛釐諸弊及其敗露曾何
救於百姓凋殘之數矣臣民部也側得從銓序

之後條上事宜爲民請命伏思今日邊徼未靖
寇賊繁興兵議撤而未能餉欲減而不可一銖
一粟孰非辦自民間所持有司作民父母休養
財力鼓其樂輸之念堅其好義之心豈非

國計民生兩有攸賴者哉何堪饑鷹乳虎之輩借
公行私橫加朘削俾疾首蹙額之民成魚爛瓦
解之勢抑可畏也與其懲創於已往何如戒戢
於將來是在

皇上渙發

德音申明令甲振百官方新之氣造六合同春之福
臣等且拭目以觀唐虞之治成億萬年有道之
長矣謹竭一得贅列十款具奏上

聞一禁加徵耗羨前

皇上因請增加派其難其慎命臣部條上禁約內有
禁重羨一款已奉

明旨允行似無庸贅詞矣但民生之疾苦居官之大
病無如耗羨爲最目今燕趙齊魯之墟秦晉梁
宋之境滔滔不止漸成江河及今會同畢集

宜重加提醒今後州縣秤銀等則俱照庫貯法
馬以平爲準每當比納之期會集佐貳教職等
官公同封櫃秤兌包封悉聽花戶自投撫按時
出不意差官抽驗以別廉污候納完日仍請封
櫃佐貳教職等官拆封秤兌除原額外有溢出
羨餘若干公同註簿存作傾解正項支銷則小
民之受福多矣倘有不遵前禁仍蹈加二加三
陋習者道路有口誰能掩之糾彈重懲無容漏
一禁添搭貽累糧鎰銖皆屬民膏往往傾

解之始或有低短致令添搭賠累正額難完於是解官解役有向隅而泣呼天莫愬者矣近日科臣裴君賜請立

欵錠一欵誠爲拔本塞原之論今後解銀必須州縣正官親自監看傾銷成錠錠上卽鑄正官并該吏及銀匠姓名毋得朦朧徑付解官解役之手愚者不免賠累爲苦黠者或借傾銷爲奸非法甚矣若夫收解一體均照

欵定法馬爲準臣部前有樣銀之說未見着實遵行

合無以後解銀卽取五十兩法馬封固同銀解
府解司解部到日該庫先將法馬眼同解官較
準後將原來法馬兌收解銀則收者無容其苛
索而解者不至於掛欠可省重科暗加之害又
一禁濫收詞訟。民無事之福全在屏戢刁風
每見民間有醉飽鬪爭小事輒以人命強盜重
情捏辭誣告有司不加詳察輕准出票干証衙
役皆得恐嚇被犯以獲重賄良懦者家且立破
今後有司一應狀詞必先面審如虛逐出卽情

真者必擇重大量准數紙問理不許朦朧暗收
及多批衙官問取罪贖以充私橐如濫受虛詞
致穢跡冤訴聞于上司者卽指名叅處一禁濫
科罪贖海內徵調繁重十室九空無論徒贖難
辦卽有力杖罪亦須三兩五錢未易言也今後
問徒罪者大率俱從發配不輕納贖杖罪除的
決及吏役罰米外其餘止許問擬稍力又或笞
罪不得問擬有力納贖剝民脂膏至於原問納
贖後因無力告改的決者聽並不許牽告親識

代爲幫貼違者事發重罰一禁罪外皆罰之
縣官自理詞訟止許問杖若徒罪以上則當申
報矣乃各有司有不擬罪而專以罰爲事者或
罰穀石折價或罰磚瓦折價動至一二十兩卽
少亦不下五六兩立破中人家產大類掩耳盜
鈴今後止許擬罪不許議罰仍按季登報上司
有贖銀折穀者務照時價筭派如乘機苛取匿
不彙報者撫按查出奏

請處一禁官價買物民市販母子幾何州縣用

票取物衙役夤緣需索多有累月不得領價卽
領價又半不償本者今後有司日用不許私出
硃票索取物件若果能照時價平買何用票也
違者卽以貪論似亦無一禁淹禁犯人丁夫
被繫舉家倉皇囹圄之間度日如歲有等州縣
凡遇告訢不分事體大小不論原被干証聽從
皂快朦朧一槩寄監寄倉動輒數月不加省問
甚有本縣自理紙贖追納不前亦因而繫獄者
小民每以輕事干連傾家隕命殊可痛惻今後

宜令有司加意清理一切詞訟隨到隨審非關
重情不許收繫但收繫者限以時日亟爲贖結
至於佐貳首領不許白票勾攝不許非刑夾投
不許私禁人犯屢經申飭賢明正官自當亟爲
約束撫按不時體訪違者指名叅處一禁差役
騷擾衙門皂快民壯之類多係積猾纔綽牌票
到手便自如狼如虎搏噬吞肥莫可嚮邇如勾
攝詞訟則人犯未到而脂膏已罄矣如督催錢
糧則

國課未完而雞犬一空矣今後詞訟責原告于前
自拘錢糧責里長十季催討有司時刻隄防
不可輕易差遣乃有信其便辟惑其諛佞至以
牌票爲賞賜之物者是何其貴衙役而賤小民
也今後着實釐革有犯重懲乃見澄清之法一
禁趨承上司上司巡臨地方不才有司迎合
取悅器具皆用金銀屋宇皆設文繡往往僉派
舖戶富民之類輪當一月賠費不貲官豪科擾
之名民受剝削之實至於節程有餽生辰有餽

綺錯克庭尤乖政體今後宜通行禁革上司有
品格者易事難悅自不受人趨承自不愛此華
奢如仍有僉舖戶富民名色者許被害家首告
上司以憑叅一禁濫用夫馬各該司
不能備載

旨節裁已久仍聞道府各廳私用牌票硃批免入循
環有司私役民間幫貼上司付之不聞不見甚
有多差長夫長馬或搬送家眷或轉送寮屬或
撥給吏書率多折乾自肥小民安所控訴今後
宜痛革此習上官不許私用牌票州縣不許輕

撥夫馬事發之日以騷擾違制論以上諸款總
開民瘼非剝民之膏則殘民之命年來間閭不
靖怨讟煩興職此之繇卽幸逭於吏議亦有玷
於官箴雖中人亦羞爲之况縮銅綬而稱循良
者哉伏乞

聖明採納著爲

功令頒布有司咸相遵守庶吏治漸覺其改觀而
聖澤覃敷于無外矣等無任激切額

請之至

崇禎四年二月初四日具

題本月初七レ奉

旨近來吏治貪殘民生凋瘵朕心痛憤、經召諭
監司令其倡率守令力行節愛仍勅都察院慎核
巡方公嚴舉劾面命再三各宜仰、這十款關切
時弊着實飭行、比納原係正官職掌不必會集
佐貳教職更滋紛擾跽轍字俱錯寫改正行該衙
門知道欽此

再奏查叅失落移咨乞恩認罪疏

奏爲微臣衰耄滋愆循省莫贖謹再乞

恩認罪事崇禎四年二月初四日該臣奏爲簡舉錯
誤緣繇乞

恩認罪仰祈

聖鑒事本月初七日奉

聖旨錢糧積逋每請申飭及奉明旨并移會故事亦
不遵行誨玩導違自該部始外吏何所懲毖且去
歲嚴旨屢申這本內何不詳述各府職名有何難

查反借寬藩司降罰移會但職掌相關何必定有
吏部字樣卽近日清查新餉一疏何應瑞項下獨
不載三年分完欠是否不少寬假端範率屬實心
體國全在爾等大臣豈應曲徇若此還着該司官
自行回奏欽此該臣齋心跪誦不覺悚媿填胸震
懾

天威無地自容竊念新餉爲軍

國急需去冬因外解不繼具疏特叅奉

旨下部將省直欠餉司府等官降俸督徵此政

重軫封疆之急

曲體臣部之苦欲圖接濟軍儲於不匱耳豈意既奉
明綸已移文都察院并各巡撫衙門而竟未咨吏部
知會雖無曲徇之心實不免有曲徇之跡矣即
令臣心口自詰亦何辭於叢脞之罪乎

皇上天網弘開不即置臣於理臣媿滋深臣罪滋重
但臣通籍以來叨

恩養眷業屬四十年犬馬雖淡衷弱植毫無建豎而
區區一念朴忠自矢方且不遑怨勞寧敢自甘

違玩目今

聖明在上如日中天倘不端範率屬實心體

國無論

聖鑒昭彰難道芥鉞卽

天地鬼神亦必殛之矣惟是日年踰六近七精神既
多恍惚照管未能周詳雖極力拮据求稱任使
終無如衰毫之軀不堪鞭策何也比者兩疏控
陳自知勉留懇悞

國計乃蒙

包荒遂不敢再申前請今即降罰一事錯悞如此則臣前之乞骸原非矯飾諒在

皇上洞鑒中矣至於新餉江西向係壓徵歷年報冊併督餉御史叅疏可查三年完欠舊例應在四年查理而藩司何應瑞亦自有任內逋欠之罰在但軍興孔棘輸納宜蚤臣部一時拘泥舊例不達時變是又無所逖罪者也除司官薛邦瑞自行回

奏外臣之罪固非司官所能代受者謹束身席藁

恭聽

皇上處分倘蒙

鑒宥踈拙委無別項情弊姑

賜從寬罷斥則

皇上之深仁微臣之厚幸而非所敢必也臣無任戰

慄待

命之至

崇禎四年二月初九日具

奏本月十一日奉

聖旨卿總計殷繁素著勤恪咨查偶失詳覈不必引
咎還嚴飭司屬各洗心盡職以圖裕儲該部知道
欽此

題薊永地土未奏屯種議罰疏

題爲欽奉

上傳事崇禎四年二月十四日該

內閣傳奉

上傳前諭薊永地土及時屯種今限期已過不見奏
報地方官好生玩肆卽着該部議罰來看卿等傳
與他知道欽此欽遵傳奉到部案查清查薊永逆
產絕業該臣部於去年五月內覆吏科給事中
祝世美疏題奉

度支奏議

欽依咨行督撫按道分別段落議改屯種勒限奏
聞延久未報節次行催至十月內止報李致和逆
一處而他尚杳然且竟無確議又該部屢限
題催改限正月內查奏未報至正月二十日恭
奉

聖諭臣捧誦

天語不勝悚惕隨卽移咨限文到卽日通查造冊

奏報至二十一日進繳

聖諭又該部題議責令地方官一面查勘田土勿

撥勿滿一面酌定管伍授田幾何牛種幾何子
粒幾何抵餉幾何通限二月初旬具奏踰限不
報另行懲罰等因具題二十四日奉

聖旨知道了欽此隨卽遵限移咨去後未到至二月
初旬又獲催一次今于本月十四日准順天巡
撫劉可訓報稱逆產無主地土議改屯田薊永
二道向無成議再三駁查仲春初始報竣總督
見在會稿刻日具奏等因到部看得

國事多艱軍儲告匱薊永逆產及荒蕪地土素多

沃壤膏腴春和正宜及時播種以佐騰飽之需
何竟置之不問空委榛莽於無用失時廢事良
可痛惜前蒙

聖諭詳切勒限報竣今且愆期未奏復動

膚慮傳命臣部照罰例議罰請旨誠無所辭於玩愒
之咎矣查吏部題

准新定罰例一款內稱違限初次卽着各撫按官查
明經管各官奏

請住俸督催今查薊州兵備道僉事左應選永平兵

備道副使方一藻永平府知府黃運昌俱係經
管官員濡滯違限均應住俸督催徐俟督撫按
臣疏到擬議的確奉行有緒而後可議開復者
也恭候

聖明裁奪

勅下臣部遵奉施行

崇禎四年二月十五日具

題本月十六日奉

聖旨勸永屯種據奏已遵諭屢催時已仲春尚稽奏

報何辭肆玩這左應選等依議住俸督理俟有成
緒方准開復該督撫按亦宜立限責成不得僅誘
所屬違者並論欽此

謹陳江右新餉壓徵之縣仰冀 聖明詳察
奏爲謹陳江右新餉壓徵之縣仰冀

聖明俯賜詳察并乞

天恩鑒宥事崇禎四年二月初五日該臣部查舉省
直朝

覲司府官員加派襍項完欠分數緣縣奉

聖旨這本內開列加派襍項完欠分數俱至三年分
止獨江西何應瑞項下遺漏一年且將天啓六七
兩年分作二款情弊顯然該司官着卽回將話來

該部堂上官還會同該科通行嚴覈另本具奏欽
此隨該新餉司郎中薛邦瑞具疏回話本月十
五日奉

聖旨錢糧完欠例應一體考覈若云江西從來壓徵
一年去歲十二月內沈猶龍申爲憲查叅通賦二
疏何皆開至三年分止又恩詔赦免江西何同免
至天啓五年若云何應瑞開冊不載何故不行駁
查輒爾曲徇至天啓六七兩年分作二款明屬奸
弊反云不敢爲各官出脫薛邦瑞奉旨回話尚一

味欺飾好生可惡着錦衣衛先拏承行審候
確情具奏欽此臣等跪捧

綸音不覺心胆墮地惶恐欲死伏念經承開報雖係
司屬之責而督率裁酌實係臣等之事方在東
身靜聽

處分何敢復有瀆陳惟是江西加派舊例壓徵臣前
有疏認罪未敢盡言竊恐剖悉不明致干

聖譴所關于臣一身之利害者小而所係于臣部之
職掌與地方之安危者大也用是不避

介錢再爲我

皇上陳之查舊餉錢糧各省直多有壓徵以其江浙
之勢不能一朝更也至江右新餉而亦有壓徵
矣簡查案卷奴難起而加派興自四十六年始
乃各省皆係現年徵解而江右當年之銀至四
十七年六月差官江維孝始解總徃於舊餉壓
徵之例牢不可破是加派之初卽成壓解之始
臣部於天啓二年夏清查加派將三年所欠錢
糧徹底查催據該省巡按汪泗論於二年八月

內回稱三年所欠八十二萬照數徵解而二年
加派江省例該三年起解此壓徵之所繇始也
及設立督餉御史如江日彩查叅天啓二年分
新餉內開江西省係壓徵元年錢糧在二年徵
解等因天啓四年二月督餉御史李時榮查叅
三年分新餉內開江西省壓徵一年元年加派
至二年徵解今二年又至三年徵解等因天啓
七年十月內餉臣劉徽截叅爲遼餉派徵有數
省直逋欠甚多等事一疏內開江西省七年壓

徵六年分額派地畝銀三十六萬一千二十六兩等因又崇禎二年四月內餉臣錢士貴元年餉期已滿一疏查叅省直新餉完欠在各省俱開元年額徵惟江西開元年分壓徵又三年五月內江右催餉同卿朱大啓仰遵

明旨那解餉銀一疏內開竊照江西加派銀兩向係壓徵一年故戶部二年分考成獨江西作元年分叅罰等因又三年五月內餉臣沈猶龍類查二年加派完欠一疏內開江西崇禎二年壓徵

元年分額派地畝銀兩除工部分餉二萬兩外
應解三十四萬一千三十六兩等因又於十二
月內餉臣沈猶龍新餉外解不前一疏截參三
年分八分完欠內於江西省開加派共完過二
十八萬八千三百八十兩又預解到四年壓徵
三年銀八萬四千八百四十八兩七錢等因此
從來各餉臣與去年催餉同卿疏開江右壓徵
之歷據也卽臣部去年五月初一日題爲催解
幸有次第額徵宜遵畫一等事內稱查新餉止

江西一省壓徵其餘皆係現徵舊餉壓徵地方較之規徵地方稍多臣前疏有那移措解一語正謂壓徵之難法當於現年中通融之也其預徵京邊五分仍俱寬至秋成於八月後報完果有新餉壓徵者亦如之等因奉

聖旨這奏元二年欠糧俱要依限全完三年現徵的務完十分以春秋爲二限壓徵的預完五分如京邊之數亦以八月爲期依議飭行如有混徵催的來重處欽此欽遵通行在案此臣部具題新舊

錢糧現壓省分之緣繇也以上諸疏

紅本見存戶科歷歷可考又查江右相沿

覲冊上次遺天啓四五年今次造七元二年而不
及三年之數正因壓徵而然也在各省以三年
爲三年而在江西則三年總徵二年是二年卽
其三年矣此加派壓徵之成例也惟是壓徵舊
餉新餉畧等因去年軍興緊急題定三年額銀
俱預徵五分江西新餉卽在其內其別省新餉
之見徵者題將四年額銀預徵三分俱奉

明旨又經科臣申飭見在查核臣等欲俟大計查叅
後另行查叅預徵未完有司而疏中失於註明
致與餉臣沈猶龍預徵八萬之疏不無互異此
則臣等與司官一時錯悞掛漏無所逖罪者也
其實前項預徵銀兩另項銷筭未嘗扯入昨疏
數內而爲省直諸臣寬假也又查臣部凡奉
詔蠲免不分見徵壓徵照依所開年分蠲免以昭
皇仁之畫一相沿已久但壓徵者徵

恩獨多果如

聖斷此又臣等智識所不及亦臣等之罪也至於襍
項一節向無參罰始於崇禎二年令各省直自
認額數載入考成去冬督餉御史沈猶龍查參
二年襍項完欠而併及三年分完一分五釐似
乎以三年爲見徵矣臣部以江省加派襍項同
一壓徵未免拘泥往例故以七年爲始不及三
年此臣部之疏所以不合餉臣之疏也

皇上執此罪臣真

明並日月洞燭幾微矣臣等昏昧之罪何敢自解但

查該省三年襍項未完四萬八千五百兩零七
年襍項未完四萬六千六百四十二兩有奇分
數業頗相當且餉臣尚欲蠲免元年以前襍項
而臣等則思七年尚欠四萬六千有奇若筭自
元年爲始則置七年於不問矣臣等愚見不患
三年之難完而患七年之抹煞故因其壓徵而
壓筭之必從七年筭起而不及三年者實進求
一年非放鬆一年粉不敢一毫曲徇其間也夫
壓徵之非法臣等亦幾經躊躇但一時並徵恐

成例頓更駭人耳目曾於去年五月內題令三年新舊二餉省直壓徵地方俱要預徵五分內云若至明年秋月亦僅如今年五分之例而止是以預徵而爲見徵之漸以一歲而爲累歲之規其預徵五分新舊二餉容臣等另疏查叅以後但壓徵者卽以預徵五分爲例按期考成臣查東南省直俱以十月開徵則年前以五分起解亦不爲厲且去年已預徵五分若今歲不行預徵便止實徵五分布在民力固覺其寬舒在臣

部愈滋其困憊矣仰體

皇上軫念蒼赤之仁俯憂臣部供億襟肘之苦萬不得已而出于此稍俟東事寧帖再議寬卹想亦海內所共諒也竊念錢穀委曲細於秋毫稍一舛錯便滋弊端臣等雖竭盡心力而款項之參差登荅之混淆卒不能免則溺職之罪又何詞焉除臣等席藁待罪恭候

譴謫外至於司官薛邦瑞向以軍興旁午頗有大馬微勞亦望

皇上少加寬宥以開使過之門此則

浩蕩皇恩出於望外而非臣等所敢妄冀者也臣等
可任惶悚待罪之至

崇禎四年二月二十日具

奏本月二十三日奉

聖旨覽奏歷引諸款似爲有據這事情已有屢旨鞠
問自明卿等總計大綱事繁偶誤不必代司官引
咎欽此

查明行取各官錢糧疏

題爲查明行取各官錢糧據實披陳以祈

聖斷事本年二月初六日准吏部咨文選清吏司案
呈該吏部題爲截俸行取事奉

聖旨考選截俸著以正月三十日爲止邇來有司每
多逋賦溺職前旨入覲官欠額多的縱令俸滿仍
著回任戴罪督解完日方許陞遷行取該部還會
同戶工二部將應選各官錢糧完欠多寡查明覈
議不得一槩濶留該衙門知道欽此欽遵抄出到

部送司案呈到部合咨貴部煩將後開各官任
內經手錢糧有無逋欠曾否住俸罰奪或經續
完開復逐一查對明悉速咨過部等因備將行
取推官知縣各官職名開送前來隨該臣部簡
查金花京邊

內供加派襍項各錢糧卷案逐一磨對其徵解之
完欠多寡與叅罰之有無開復自有不容掩者
一時人心凜凜不難措處代輸祈免回任臣部
遵奉面質完欠順資續解之

旨卽爲收納竊念各官完司民社積有歲年急公憂國誰無夙志既有

功令督之於後又有清華誘之於前除疲瘠各邑終難全完外大都百人之中全完者十六有欠者十四而欠多者不及十分之一臣部按籍而稽毫無曲徇舊例未完一分以上者卽行查叅而未及一分者則置之今臣部悉遵此例寧嚴勿寬除錢糧全完及逋欠不及分釐者例得留部又曾經查叅而錢糧已完者另疏開復并將

錢糧清冊造送吏部外如南昌知縣米助國進
賢知縣蔣德瑗清江知縣梁士濟萬安知縣陳
元烈貴溪知縣王夢台此近因宗祿拖欠奉有
明旨回任催解者也杭州府推官郭必昌嘉興府推
官楊希旦此因去年糧運稽遲奉

旨戴罪督催近經部覆俟新運完日撫按具奏

定奪者也江蘇撫州府推官薛振猷近以署臨川印
尾糧未完結監犯高鏘所參未完二分以上例
應降俸二級以上各官在京者仍當回任而在

任者姑緩赴京候完日撫按奏

請考選所以遵

明旨而信

功令也此外則常山知縣孫兆隆處疲瘠之地總計新餉所完不及七分屢有查叅未經開復雖情在可原而法難曲貸衡陽知縣陳以蘊以黔餉未完被叅於總督清水知縣陳于宁以遼餉未完被叅於餉院沅江縣知縣姚允莊以京邊未完被叅於監兌未經報完遽難開復新安知

縣符隸昔日之科叅猶未解脫今日之京邊尚
欠千金并當留任催徵仍俟完日撫按奏

請開復考選者也若錢糧雖未到部而已解司府者
尚有數人夫錢糧以到京爲主此奉有

明旨者也錢糧未完責在州縣那借遲延責在司府
此又屢經申飭者也如嘉定知縣謝三賓其已
經到府而未到部者元年以八千四百七十兩
計二年以八千四百七十兩計三年壓徵又以
四萬五千五百兩計而七年未完之九千餘兩

據欄署印同知劉成美經手則又府冊所不載
矣吳江知縣熊開元其已經到府而未到部者
元年以二千二十二兩計二年以九百八十五
兩計輕賫則以一千五百六十二兩計而雜項
新餉之八百餘金則又取有該府實收矣二令
自江南來持有撫按曹文衡饒京咨文內稱錢
糧十分全完其言似非無據又蘇州府冊報見
在差官朱家臣錢世芳起解其至亦非甚遙二
令自稱錢糧已完解府則縣官之能事已畢似

難再令回任但盈虛多寡之間臣尚未敢深信
不得不披陳於

皇上之前請自

聖裁者也至於江陵知縣周瑞豹解司未到部者又
以二千四百兩計公安知縣高鳳翔解司未到
部者亦以四百兩計咸據藩司報完中間曾否
起解在途又非臣愚所能意料者也且年來黔
餉總督查叅亦嘗一及鳳翔而三及瑞豹矣近
據藩司該府公文交口稱完而臣未接川貴總

督之咨則其完欠終難懸斷卽湘潭知縣陳文
耀京邊新餉固已足額而前任長沙黔餉近雖
在臣部納銀六百兩而完否尚難遙揣是必再
向黔楚查明而未可以冥冥決事者也蓋各官
治行素優終當爲

明廷耳目之臣但欲考選必先開復而具疏開復須
求實際臣部不得不加意鄭重稍爲遲留辰下
或先准考選或仍俟覆核是當併請

聖裁而非臣愚所能臆決者也年來財用旣詘襟肘

交困司府那借已成錮習前項錢糧必須責成
司府速解全完而後不爲盡餅望梅耳如安陽
張聚秀之京邊爲援兵里者共一萬五十兩桐
鄉楊兆升之新餉爲援兵用者共一千三百兩
此皆地方不得已之用撫按徑從司府那給仍
當問之司府設處抵補而未可徒累該縣者也
卽如米助國等五令固奉

旨回任督催宗祿矣顧其任內先年京邊俱爲前任
藩司陳龍光那抵七年舊欠致累諸令叅罰永

無開復之日此須勒令撫按藩司早爲酌議不
則宗祿雖完猶未得陞擢也蓋江右行取七人
其一推五令已備陳於前矣獨上饒令翁竟成
原無宗祿而又以前項那僧叅罰被格似當代
爲題

請昭雪者也猶有說者華亭知縣鄭友玄與謝三賢
熊開元同在撫按咨送之列而友玄近日又以
前任青浦金花未完一分叅罰降俸一級矣友
玄自青浦調華亭爲日已久雖回華亭於青浦

無益不知亦當回任否并應請自

聖裁者也清江知縣梁士濟催科得法在江右有司
中完糧獨早曾經京卿餉院屢題紀錄昨所欠
宗祿僅五百餘兩猶是入

觀冬季之數今雖回任姑俟宗祿完日撫按仍當早
為起送考選以示鼓舞者也臣在戶言戶固難
立法亦難苛求不得不彈其愚伏惟

聖明裁察

勅下吏部遵奉施行

崇禎四年二月二十六日具

題本月二十九日奉

聖旨這應選各官還通列職名將錢糧完欠多寡分數并叅罰會否開復各分款項備細開載並依罰例明別去留其已解司府的取實收查驗并查解數有無全完不得混據咨文前何應瑞奏廣信一府宗祿從來不解今稱上饒縣原無宗祿是否實情著查明奏來錢糧不完責在有司銷案不明責在該部毋得瞻徇致有遺隱欽此

題崇禎四年覲參京邊完欠疏

題爲仰遵

明旨覆核京邊欠數并議題參以清耗蠹事崇禎四年二月初七日戶科抄出該本部題覆督餉侍郎康新民疏爲

朝宗畢集考課宜殷敬抒一得之忱以佐九邊之急事該本部遵照往例查核各省直完欠天啓七年及崇禎元二年京邊緣繇本年二月初五

日奉

聖旨邊餉措發踰期動稱外解不至目今詳查省直
欠數輒云僅止分釐前後自相矛盾錢糧竟歸何
處且逐年完欠數目與向來開報多寡參差是何
緣故還著該部同該科逐款磨對確數另疏奏奪
至崇禎三年京邊已經見徵在官扣新補舊希免
恭罰倖弊實多如待四年秋冬始行題恭銀既那
移官多更替何以清釐耗蠹還着再行覈議來說
該衙門知道欽此欽遵抄出到部該臣會同督理
邊餉左侍郎康新民查覈餉務戶科給事中許

世謚仰遵

明旨會集一堂勘後參前覆加磨核先時臣部動稱
督催逋欠以千萬計今開省直僅止分釐前後
相懸委自矛盾又逐年開報欠數與今開報欠
數多寡不一委自參差

聖明留心

國計詰問周悉臣等跪捧

宸音不覺交相驚詫而汗流接踵矣因求其故而詳
考焉凡省直錢糧皆以太倉爲總會故核外解

則合數歲之未完以催接濟行查審則據各處之多寡以別分釐臣部先是疏中于各司府下明開未完若干不敢少隱其數及行催後各省直有續完者亦不敢少減其數在前以不解而成欠在今以續解而成完此則前後矛盾多寡參差之故也及查省直京邊錢糧合各州邑之數以爲一府之數又合各府之數以爲一省之數其起解之年月太倉銀庫之收支仰遵

明旨逐款磨對俱確有的據謹備開細數

進呈

御覽但各省直京邊不知起自何年有現徵者有壓徵者現徵則於當年徵解壓徵則遞至次年方始開徵臣部舊例槩係隔年查叅委爲遲緩臣等前疏未免拘沿格套今奉

明旨詰責不覺恍然自失遂將三年京邊一併查叅疏內先是臣部有疏具題分別現徵壓徵并議壓徵地方預徵五分奉有

俞旨第恐有司躲避叅罰而槩稱壓徵以相抵賴續

該臣部題取省直分別文冊以求清楚通惟南
直六府尚未報到已經臣部題叅奉

旨住俸督催然近見撫臣曹文衡疏揭則知蘇松常
原係壓徵而徽池太是否現徵尚無確據臣等
覆議壓徵地方雖係相沿舊例但崇禎三年臣
部旣題有預徵五分一䟽卽當照五分之數核
完欠爲查叅現徵地方自是當年徵解卽當照
十分之數核完欠爲查叅又按舊例以釐計者
卽得免叅今查司府所欠額數雖以釐計而覈

錢糧實數則動以千萬計凡欠以分計者如左
布政使杜詩陳應元知府曾櫻陸懷玉俱欠一
分以上左布政使楊公翰知府仇時古石萬程
管糧通判房楠推官魯元寵俱欠二分以上署
印同知張元弼欠三分以上左布政使華敦復
知府史應選應天管糧通判成克延知州陳善
學欠五分以上俱應照例叅罰但蜀省兵燹之
後在兵餉尚多異議而徽州徵收之法卽現壓
尚未盡明是不得不稍爲寬貸者也卽以釐計

者如知府晏日啓欠二釐以上左布政使何應
瑞欠三釐以上知府歐陽充材欠四釐以上知
府嚴爾珪欠六釐以上知府黃夢松順天管糧
通判鄧履圓欠九釐以上亦應住俸督催仍俟
完日方許開復縱令陞遷或降處候補者亦必
行見任衙門一體住俸者也所謂罰一人而千
萬人知懼故臣于司府不得不嚴此誠提綱挈
領之要道耳謹將磨對過天啓七年崇禎元二
年及崇禎三年京邊完欠確數并註明現徵壓

徵開坐合

奏統祈

皇上睿照勅下遵奉施行

計開各省直京邊錢糧自天啓七年至崇禎二年逐年已未完數前疏業已

奏報今不再開止將天啓七年至崇禎二年各省直已未完總數并三年分已未完數開列于後分別查叅

浙江布政司原額太倉銀五萬六千五十四

兩五錢係見徵

自天啓七年至崇禎二年接管左布政使
董承詔共該銀一十六萬八千一百
十三兩五錢本部并科院于二三年內
除解到外查叅原欠銀二萬一千一百
五十三兩八錢一分叅後續完銀一萬
八千七十八兩八錢三分共完過銀一
十六萬五千八十八兩五錢二分零
止未完銀三千七十四兩九錢八分零

計欠一釐以上

崇禎三年分經管左布政使董承詔已完
過銀三萬五千八百八十三兩七錢六
分零未完銀二萬一百七十兩七錢八
分零計欠四分以上前後共欠四分一
釐以上舊例降職二級今照新例應降
職三級戴罪督催但經

大計調簡應俟補官降罰

湖廣布政司原額太倉銀六萬七千五百六

十七兩四錢九分零係見徵

自天啓七年至崇禎二年接管左布政使
杜詩共該銀二十萬二千七百二兩四
錢七分零俱全完訖查該省因藩工借
用過京邊自天啓元年起至七年止共
銀一十三萬六千七百八十六兩零陸
續兌解過銀一十二萬五百五十六兩
四錢二分零尚欠原借銀一萬六千二
百二十九兩四錢八分零計欠八釐以

上舊例免叅今改住俸督催

崇禎三年分經管左布政使杜詩已完過
銀五萬六千七百六十三兩二錢四分
零未完銀一萬八百四兩二錢二分零
前後共欠一分以上舊例住俸今照新
例降俸一級戴罪督催

江西布政司原額太倉銀四萬七千八百八
十六兩一錢五分零係壓徵

自天啓七年至崇禎二年接管左布政使

何應瑞共該銀一十四萬三千六百五十八兩四錢五分零本部并科院於二三年內除解到外查叅原欠銀一萬二千三百一十七兩八錢四分一毫叅後續完銀六千七百一十兩九錢三分八釐九毫共完過銀一十三萬八千五十一兩五錢三分零今止未完銀五千六百六兩九錢一分零計欠三釐舊例免叅今改住俸督催

崇禎三年分經管左布政使何應瑞該預
徵五分銀二萬三千九百四十三兩七
分六釐零已完過二萬三千八百四十
兩九錢二分零未完銀一百二兩一錢
四分零計欠三毫以上

山東布政司原額太倉銀四十九萬四千九
百二十二兩八錢四分零見徵四十二
州縣額銀八萬九千四百四十五兩八
錢五分壓徵六十二州縣額銀四十萬

五千四百七十六兩九錢九分零

自天啓七年至崇禎二年接管左布政使

陳應元共該銀一百四十八萬四千七

百六十八兩五錢三分零本部并科院

於二三年內除解到外查叅原欠銀一

十九萬八千五百三十二兩八錢三分

四釐零叅後續完銀一十一萬六千六

百五十三兩一錢三分六釐零抵買遠

豆銀五萬三千八百四十四兩二錢一

分五釐共完過銀一百四十五萬六千七百三十三兩五分零今止未完銀二萬八千三十五兩四錢八分零計欠一釐以上

崇禎三年分經營左布政使陳應元見徵一項已完過銀八萬八千四百二十四兩七錢八分零未完銀一千二十一兩六分零計欠一釐以上壓徵一項該預徵五分銀二十萬二千七百三十八兩

四錢九分零已完過銀一十七萬七千
六十二兩二錢三分零未完銀二萬五
千六百七十六兩二錢六分零計欠一
分以上連前共欠一分二釐以上舊例
住俸今照新例降俸一級戴罪督催

河南布政司原額太倉銀四十一萬八千八
百五十兩一錢九分見徵七十七州縣
額銀二十萬五千九百四十七兩一錢
三分零聖徵三十一州縣額銀二十一

萬二千九百三兩六分零

自天啓七年至崇禎二年共該銀一百二十五萬六千五百五十兩五錢七分

天啓七年分經營左布政使王從義本部并科院千崇禎二年內除解到外題叅原欠銀一十六萬七千一百四兩二錢六釐叅後續完銀一十五萬九千四百五十兩六錢七分六釐共完過銀四十一萬一千一百九十六兩六錢九分今

止未完銀七千六百五十三兩五錢零
計欠一釐以上

崇禎元年分經管左布政使張慶鯨本部
并科院于崇禎三年內除解到外題叅
原欠銀一十萬九千五百四十兩二錢
三分零叅後續完銀八萬九千六十四
兩一錢三分九釐零共完過銀三十九
萬八千三百七十四兩一錢今止未完
銀二萬四百七十六兩九分零計欠五

釐以上但查本官已經物故相應免議
崇禎二年分經管左布政使楊公翰本部
并科院于崇禎三年年終除解到外題
器原欠銀五萬二千九十八兩一錢六
分計欠一分以上于三年內一併查叅
但查內有援兵借動銀四萬二千四百
二十五兩七錢二分零合應責令經管
官連前欠一併戴罪督催補完

崇禎三年分經管左布政使楊公翰見徵

一項已完過銀一十八萬五千八百一十五兩七錢四分零未完銀二萬一百三十一兩四錢九分零連前共欠二分
以上舊例降俸二級今照新例改降職一級戴罪督催壓徵一項該預徵五分銀十萬六千四百五十一兩五錢三分零全完訖

福建布政司原額太倉銀二萬二千四百八十六兩五錢八分零係壓徵

自天啓七年至崇禎二年接管左布政使
吳陽共該銀六萬七千四百五十九兩
七錢四分俱全完訖相應紀錄

崇禎三年分經管左布政使吳陽該預徵
五分銀一萬一千二百四十三兩二錢
九分零已完過銀一萬一千二百二十
九兩二錢零未完銀一十四兩九分計
欠六絲以上

廣東布政司原額太倉銀九千三百六十一

兩三錢係見徵

自天啓七年至崇禎二年接管左布政使
陸問禮共該銀二萬八千八十三兩九
錢俱全完訖相應紀錄

崇禎三年分經營左布政使陸問禮全完
訖

四川布政司原額太倉銀一十萬一千六百
九十二兩九分零係見徵

自天啓七年至崇禎二年接管左布政使

華敦復共該銀三十萬五千七十六兩
二錢七分解過陝西各鎮銀五萬兩餘
俱題留本省大剿兵餉支用

崇禎三年分題

准奏解陝西五萬兩餘未完五萬一千六百九十二
兩九分計欠五分以上查該省撫按屢
疏兵餉尚在爭執姑照二分三分例舊
例降俸二級今改降職一級戴罪督催

南直隸

應天府原額太倉銀二萬三千二百五十一

兩六錢六分零係見徵

自天啓七年至崇禎二年共該銀六萬九

千七百五十四兩九錢八分七厘兩年

管糧通判王道元本部并科院于二三

年內除解到外查該原欠一萬一千七

百一十八兩六錢一分奉崇禎續完銀

四千五百一十九兩五錢六分新餉同

呈堂武主事留作銅本銀五千七百二

十一兩一錢七分零共完過銀四萬五千二十五兩四錢四分今止未完銀二千四百七十七兩八錢八分零計欠三釐查本官已經察處不謹相應免議

崇禎二年分管糧通判房楠本部并科院于崇禎三年年終除解到外查叅原欠銀六千五百八十四兩一錢零叅後續完銀一千六百八十六兩七錢零共完過銀一萬八千三百五十四兩三錢零

今止未完銀四千八百九十七兩四錢
零計欠二分以上舊例降俸二級今照
新例行見任衙門降職一級

崇禎三年分管糧通判成克延已完銀一
萬九百九十七兩二錢七分零未完銀
一萬二千二百五十四兩三錢九分零
計欠五分以上舊例降職二級今照新
例降職三級戴罪督催

寧國府原額太倉銀二萬二千七百九十二

兩四錢二分零係見徵

自天啓七年至崇禎二年經管知府黃慶
松三年共該銀六萬八千三百七十七
兩二錢六分本部并科院于崇禎二三
年內除解到外查叅原欠銀二千四百
九十七兩九錢零叅後續完銀一千六
百九十九兩一錢零共完過銀六萬七
千五百七十九兩一錢八分未完銀七
百九十八兩八分零計欠一釐以上

崇禎三年分經管知府同已完過銀二萬
八百四十一兩三錢零未完銀一千九
百五十一兩一錢二分連前共欠九釐
但查本官已經察處相應免議

蘇州府原額太倉銀一十四萬八千八百九
十三兩八錢一分係壓徵

自天啓七年至崇禎二年共該銀四十四
萬六千六百八十一兩四錢三分天啓
七年經管知府王時和本部并科院于

崇禎二年內除解到外查叅未完銀四萬一千九百八十八兩四錢五分零叅後續完銀一萬四千七百三十八兩五錢二分共完過銀一十二萬一千六百四十三兩八錢八分零今止未完銀二萬七千二百四十九兩九錢三分計欠一分以上舊例住俸今照新例降俸一級但查已經被劾合應免議

崇禎元二兩年經曾知府史應選本部并

科院于崇禎三年內并三年年終除解
到外查叅未完銀一十萬九千九百七
兩一錢零叅後續完銀二萬四千二百
七兩一錢零共完過銀二十一萬二千
八十七兩六錢今止未完銀八萬五千
七百兩零計欠一分於三年內一併查
叅

崇禎三年分經管官同該預徵五分銀七
萬四千四百四十六兩九錢零已完銀

五千八百七十九兩七錢七分零未完
銀六萬八千五百六十七兩一錢三分
零連前共欠五分以上舊例降職二級
今照新例降職三級戴罪督催

松江府原額太倉銀五萬二百六十八兩五
錢七分係壓徵

自天啓七年至崇禎二年共該銀一十五
萬八百五兩七錢一分天啓七年經管
知府仇時古本部并科院于崇禎二年

內除解到外查數未完銀三萬六千八百五十八兩七錢四分續完銀二萬二千一百六十一兩一錢九分零共完過銀三萬五千五百七十一兩六分零未完銀一萬四千六百九十七兩五錢一分計欠二分以上舊例降俸二級但查本官久經察處姑免再議

崇禎元二兩年經管知府方岳貢本部并科院于崇禎三年四月并三年年終除

解到外查叅未完銀五萬二千六百九
十四兩八錢零叅後續完銀三萬二千
五百七十三兩七錢零共完過銀八萬
四百一十六兩三分未完銀二萬一百
二十一兩一錢零計欠二分以上于三
年內一併查叅

崇禎三年經管官同該預徵五分銀二萬
五千一百三十四兩二錢八分零已完
銀一萬二千二百五十三兩三錢一分

崇禎銀一萬二千八百八十兩九錢
七分零連前共欠四分以上舊例降職
二級今照新例降職三級戴罪督催

常州府原額太倉銀四萬八千二百五十五

兩七錢零係壓徵

自天啓七年至崇禎二年共該銀一十四
萬四千七百六十七兩一錢一分零天
啓七年經管知府曾櫻本部并科院于
崇禎二年內除解到外查叅未完銀七

十七百九十七兩八錢零叅後續完銀
一千五百一十六兩二錢零共完過銀
四萬一千九百七十四兩五分今止未
完銀六千二百八十一兩六錢五分計
欠一分以上舊例住俸今照新例行見
任衙門降俸一級

崇禎元二兩年經管知府石萬程元年除
解到外未完銀四千二百三十三兩四
錢以該府總數筭計欠八釐以上再查

一、平除辦到外未完銀二萬二千七百
二千九兩二錢九分共完過銀六萬九
千五百四十八兩四錢一分共未完銀
二萬六千九百六十二兩九錢九分零
計欠二分以上舊例降俸二級今照新
例降職一級

崇禎三年經管官同該預徵五分銀二萬
四千一百二十七兩八錢五分零全完

訖

鳳陽府原額太倉銀二萬三千三百九十七兩九錢四分零係見徵

自天啓七年至崇禎二年共該銀四萬一百九十三兩八錢二分天啓七年經管知府晏日啓本部并科院于崇禎二年內除解到外查叅未完銀三千七百八十九兩四錢五分零叅後續完銀三千六百三十二兩五錢二分零共完過銀一萬三千二百四十一兩零未完銀一

百五十六兩九錢三分零計欠二釐以
上舊例免議今照新例任俸督催

崇禎元二兩年經營知府歐陽充材已完
銀二萬六千一百八十四兩九錢五分
零未完銀六百一十兩九錢三分零計
欠四釐以上舊例免議今照新例任俸
督催

崇禎三年經營知府徐世蔭已完銀一萬
三千三百三十六兩三錢五分零未完

銀六十一兩五錢九分四毫零計欠四
毫以上舊例免議今照新例住俸督催
淮安府原額太倉銀一萬八千六百一十一
兩三錢四分見徵銀四千一百六兩五
錢四分零內壓徵銀一萬四千五百四
兩七錢九分零

自天啓七年至崇禎二年共該銀五萬五
千八百三十四兩二分

天啓七年經管署印同知張元弼本部并

科院于崇禎二年內除解到外查叅未完銀七千八百七十五兩四錢五分零叅後續完銀一千四百九十四兩五錢零共完過銀一萬二千二百三十兩三錢九分未完銀六千三百八十兩九錢五分計欠三分以上舊例降俸二級今照新例行見任衙門降職一級

崇禎元二兩年分經管知府董允升本部并科院于崇禎三年四月內并三年年

終查叅未完銀一萬七百七兩一錢零
叅後續完銀五千五百六十六兩五錢
三分零共完過銀三萬二千八十二兩
一錢零未完銀五千一百四十兩五錢
七分零計欠一分以上舊例住俸今照
新例降俸一級但查本官已經降職相
應免議

崇禎三年分經管知府呂奇策具繳一項
該銀四千一百六兩五錢四分預徵五

分一項該銀七千二百五十二兩三錢
九分零共該銀一萬一千三百五十八
兩九錢三分俱全完訖

鎮江府原額太倉銀三千二百三十一兩一
錢六分零係見繳

自天啓七年至崇禎二年經管知府陸懷
玉共該銀九千六百九十三兩四錢八
分零俱全完訖再查

崇禎三年經管官同已完銀二千八百七

十八兩二錢三分零未完銀三百五十
二兩九錢二分零計欠一分以上舊例
住俸督催今照新例降俸一級戴罪督
催

安慶府原額太倉銀五千三百二十兩一錢
四分零係見徵

自天啓七年至崇禎二年接管知府游雲
鴻田大本共該銀一萬五千九百六十
兩四錢二分零并

崇禎三年經管官同俱全完訖相應紀錄
池州府原額太倉銀八千六百八十五兩一
錢四分零見徵壓徵冊未到姑照壓徵
五分例算

自夫啓七年至崇禎二年接管知府顧元
鏡共該銀二萬六千五十五兩四錢二
分零俱全完訖

崇禎三年經管知府孫如洵該預徵五分
銀四千三百四十二兩五錢七分已完

銀四千三百四十一兩八錢未完銀七錢七分相應免議

太平府原額太倉銀九千七十兩九錢一分零見徵壓徵冊未到姑照壓徵五分例筭

自天啓七年至崇禎二年接管知府顏容暄共該銀二萬七千二百一十二兩七錢三分零并崇禎三年該預徵五分銀四千五百四十五兩四錢五分五釐俱

全完訖

揚州府原額太倉銀一萬八千九百八十一

兩八錢五分零係見徵

自天啓七年至崇禎二年接管知府謝宸

徐伯徵共該銀五萬六千九百四十五

兩五錢五分零并崇禎三年經管知府

同俱全完訖查徐伯徵已經察處謝宸

相應紀錄

廬州府原額太倉銀三千三百五十六兩四

錢四分係見徵

自天啓七年至崇禎二年接骨知府劉應
詔任大冶嚴爾珪共該銀一萬六十九
兩三錢二分零俱全完訖查任大冶已
經物故劉應詔嚴爾珪相應紀錄

崇禎三年經骨知府嚴爾珪已完銀三千
一百五十一兩九錢七分零未完銀二
百四兩四錢七分零計欠六釐以上舊
例免叅今照新例住俸戴罪督催

徽州府原額太倉銀二千一百五十三兩七錢二分零見據應徵冊未到姑照壓徵五分例筆

自天啓七年至崇禎二年接管知府頡鵬洪胤衡署印推官魯元寵共該銀六千四百六十一兩一錢六分零俱全完訖俱應免議

崇禎三年經管推官魯元寵該預徵五分銀一千七十六兩八錢六分已完銀四

百六十九兩六錢二分七釐未完銀六
百七兩二錢三分三釐計欠二分
以上
舊例降俸二級今照新例降職一級戴
罪督催

廣德州原額太倉銀八千九百五十二兩五
錢一分係見徵

自天啓七年至崇禎二年接骨知州曹更
新陳善學共該銀二萬六千八百五十
七兩五錢三分零俱全完訖俱應紀錄

崇禎三年經管知州陳善學已完銀四千四百七十六兩未完銀四千四百七十六兩五錢一分計欠五分以上舊例降職二級今照新例降職三級戴罪督催徐州原額太倉銀六千四百七十二兩四錢零係見徵

自天啓七年至崇禎二年接管知州霍震寓署印淮安府同知吳嘉言知州韓雲共該銀一萬九千四百一十七兩二錢

零并崇禎三年經管知州韓雲俱全完
訖查吳嘉言劣轉韓雲察處其霍震寓
相應紀錄

滁州原額太倉銀七百九兩五錢四分零係
見徵

自天啓七年至崇禎二年經管知州呂新
周共該銀二千一百二十八兩六錢二
分零并崇禎三年經管知州同俱全完
訖相應紀錄

和州原額太倉銀五百四十七兩五分零係

見徵

自天啓七年至崇禎二年經營知州孫克
明共該銀一千六百四十一兩一錢五
分零并崇禎三年經營知州同俱全完
訖相應紀錄

北直隸除永平保河真順廣大解府抵買新
餉遼豆係新餉司銷筭不開外

順天府原額太倉銀二萬六千三百一十兩

九錢六分零

天啓七年分解府抵買新餉遼豆係新餉
司銷筭不開外

崇禎元年分同

崇禎二年骨糧通判鄧履圓已完銀一萬
八千九百三十九兩四錢五分零題

准蠲免銀四千八百一十七兩三錢八分零未完銀
二千五百五十四兩一錢二分零計欠

九釐以上舊例免叅今照新例住俸戴

罪督催

崇禎三年分除霸州等十五州縣抵買新
餉遼豆外其餘薊州等十二州縣銀解
該府兌給地價

以上各省直自天啓七年起至崇禎三年
止額該太倉京邊銀共五百九十八萬
八千一百二十二兩四分五釐已完過
銀五百四十六萬三千三百七十三兩
八錢九分二釐俱收入太倉分發各邊

鎮并京支訖未完銀五十二萬四千七百四十八兩一錢五分三釐

崇禎四年三月初一日具

題本月初四日奉

聖旨據該部前稱壓徵獨江西一省這本內福建亦稱壓徵山東河南淮安同省同府亦分見壓兩徵是何緣故又徽池太三府冊報未到姑照壓徵例筭是該部向來銷筭曾無定額但憑各省直姦玩官胥游移混抵如此綜稽成何會計着該撫按嚴

查見壓根縣詳明具奏至降罰督催必因年核官
因官責成庶杜規避內如晏日啓歐陽充材等離
任已久當明註於見任衙門一體任俸何得疏內
復開住俸督徵暗藏脫卸黃夢松疏前稱應住俸
款後又云免議作何關會又如原額僅以千計全
完不必紀錄且一官總計數年完欠亦應通筭若
一面紀錄一面降級亦非政體法行貴嚴尤宜確
核還逐一詳酌分別另本來行欽此

回奏給發選鋒行糧疏

題爲遵

旨回奏仰祈

聖鑒事本月初七日該戶科抄出錦衣衛題爲遵奉
聖諭事初六日奉

聖旨委應麟等給發軍糧需索使費雖經吐認尚未
盡供還着再行研鞠具奏招內所稱餉司不肯速
發是何緣故着戶部堂上官查明奏來欽此欽遵
除委應麟等情事再聽該衛研審具奏外該臣

等查得選鋒行糧一節兵部咨文係二月初四日投部臣以各丁押銀往秦勢不可緩當批新餉司查議給發此二月初四日晚間事也該司官郎中降二級管事薛邦瑞恐多寡難定未敢臆決次蚤將來咨請臣親裁臣隨批道途雖遠不過三千去時四十五日回時一月不啻足矣每日給鹽菜三分米一升五合折銀一分二釐馬料草每日折銀四分該司遵奉臣批卽於初五日晚具稿呈堂隨于初六日早劄發新餉庫

給銀三百七兩五錢該庫亦卽於初七日給發
可謂速矣而該營司總于赴化乃謂餉司不肯
速發夫應發之銀無論餉司不敢遲緩卽臣亦
不肯聽其遲緩此事文到卽批批後卽行又原
咨三月止給兩月有半亦緣臣親定嗣後風聞
使用之語該司官卽將書役婪應麟先行拘送
解臣重責羈監以俟查明叅送亦可謂發摘奸
猾不敢輕縱者矣臣前有疏已經備悉入

告業蒙

皇上洞鑒總之奸書需索莫可方物明借遲速之說
以遂駑騙之謀該司官當日說堂行文劄發俱
極迅速而實未之遲也臣等奉有查明具奏之
旨相應遵

旨回奏仰祈

聖明鑒察施行臣等曷勝悚息待

命之至

崇禎四年三月初八日具

題本月十二日奉

聖旨據奏給發選鋒行糧該司官未有遲延知道了
薛邦瑞等姑不究以後收放錢糧俱要剋期竣事
曉示明悉出入公平勿令猾胥借端需勒叢滋奸
弊違者一體治罪該部速行嚴飭欽此

查明行取各官錢糧疏

題爲查明行取各官錢糧據實披陳以祈

聖斷事崇禎四年二月二十六日該臣部題前事奉
聖旨這應選各官還通列職名將錢糧完欠多寡分
數并叅罰會否開復各分欵項備細開載並依罰
例明別去留其已解司府的取實收查驗并查解
數有無全完不得混據咨文前何應瑞奏廣信一
府宗祿從來不解今稱上饒縣原無宗祿是否實
情着查明奏來錢糧不完責在有司銷案不明責

在該部毋得瞻徇致有遺隱欵此欵遵抄出到部
臣等隨行福建等十三司將應考選各官在內
應解金花

內供京邊加派旗項民運各項錢糧分欵細查完
欠多寡分數與實收的據并稽罰曾否開復一
一詳列到部臣等覆覈無異查得杭州府推官
郭必昌嘉興府推官楊希旦以客歲糧運稽遲
奉

旨戴罪俟新運完日

奏報撫州府推官薛振猷以署臨川縣印京邊未完二分以上爲監兌高鏘所叅例應降職二級
南昌知縣朱助國進賢知縣蔣德瑗清江知縣
梁士濟萬安知縣陳元烈貴溪知縣王夢台俱
以宗祿拖欠奉

旨回任催解又米助國蔣德瑗陳元烈俱以金花未完新經叅罰王夢台又以今歲漕糧稽遲新經
降級而陳元烈王夢台又俱有未完南糧數多
常山知縣孫兆隆以新餉未完叅罰降級衡陽

知縣陳以道以黔餉南糧未完叅罰革職清水
知縣陳平中以速餉未完叅罰兼民運亦多逋
負沅江知縣姚允莊以京邊未完叅罰兼南糧
亦復任俸新安知縣符集以京邊遼餉未完叅
罰任俸降俸俱俟徵解完日各該撫按奏

請開復另疏考選臣部前疏已備列矣又有公安知
縣高鳳翔任內錢糧補解俱已足額近以既留
復覲奉

旨看議尚聽吏部另覆汾陽縣知縣張毓泰任內錢

糧分毫俱係全完近以科場被摘奉

旨查勘尚聽禮部另覆以上推知一十五員臣等不敢槩叙其餘推官有原未經手錢糧者有曾經署印而錢糧全完者各該知縣有任內錢糧全完者有通計僅欠毫釐或不及一分於例得免叅罰者臣等矢公矢慎磨勘已詳似皆應入考選之列謹將吏部原咨有名各官通查各項錢糧完欠多寡數目并叅罰有無開復逐一攢造清冊恭進

御覽如推官原未經手錢糧者則順德府推官方之
翰荊州府推官朱邦祈襄陽府推官曾倜武昌
府推官禹好善河南府推官衛景瑗開封府推
官張瑤汝寧府推官尹明翼彰德府推官趙懷
玉南陽府推官党崇雅山西汾州府推官潘倬
夔州府推官張一鳳是也如推官曾經署印而
錢糧全完者則大名府推官李一鵬常州府推
官劉興秀紹興府推官劉光斗福州府推官趙
繼鼎平樂府推官陳昌文是也如知縣任內錢

糧全完者則魏縣知縣宋賢耶郛知縣趙振基
永年知縣趙志孟清豐知縣宋應亨元城知縣
張必大新城知縣丘民仰豐潤知縣胡永清元
氏知縣戈允禮丹徒知縣鄭之尹婺源知縣金
蘭與化知縣王績燦當塗知縣郭紹儀江都知
縣遲大成山陽知縣朱國棟宿松知縣楊之屏
天長知縣姚星吳金壇知縣劉宗祥祁門知縣
朱大雅海澄知縣余應桂建陽知縣謝秉謙莆
田知縣吳彥芳同安知縣曹履泰閩縣知縣吳

南潁晉江知縣姚孫槃臨寧知縣胡其偉福清
知縣周堪賡偃師知縣張宸極汝陽知縣劉令
譽固始知縣王萬象洛陽知縣尹洗安陽知縣
張聚秀陳留知縣元珍榮澤知縣龐杰項城知
縣郭人吉葉縣知縣蕭奕輔杞縣知縣宋致嵩
縣知縣趙東曦臨淄知縣耿胤樓歷城知縣呂
黃鍾諸城知縣王懋學曹縣知縣盧柱礎博興
知縣黃繪茌城知縣傅永淳陽曲知縣宋權榆
次知縣張任學太谷知縣栢福兆涇陽知縣路

振飛富平知縣宋果長安知縣孫三傑南充知
縣周天祚閬中知縣李應選是也如任內雖有
未完而及止釐毫并不及一分者則武清知縣
王國訓績溪知縣鄭覲光嘉定知縣謝三賓華
亭知縣鄭友玄宜城知縣謝玄珧吳江知縣熊
開元臨海知縣萬永康會稽知縣陳國器金華
知縣高倬桐鄉知縣楊兆升長興知縣向鼎天
台知縣胡接輝蕭山知縣余敬中江陵知縣周
瑞豹湘潭知縣陳文耀零陵知縣符應乾鄖縣

知縣王師臣淑浦知縣文贊朝順德知縣黃金
貴東莞知縣李模揭陽知縣馮元颺陽江知縣
李右讜靈山知縣黃學元饒平知縣戈尚友是
也先是嘉定謝三賓吳江熊開元俱稱錢糧已
解司府而未到部臣查兩縣糧數甲於江南二
令未解爲數頗夥故臣前疏謂盈虛多寡未敢
深信非敢浚求祇求實落近奉已解司府查驗
實收之

肯二官俱有實收見在其銀見左縣丞朱家臣起解

將抵

都門及查撫按曹文衡饒京容文亦稱二令十分
全完又催餉寺臣王夢尹將二令并藝亭鄭友
玄俱以餉額全完特疏紀錄科抄具存可決其
非僞矣惟能開元任內額解輕資一千五百六
十二兩臣前另疏開欠今已補解通完照數收
明似當在開復留部之列者也至鄭友玄調繁
華亭陳文耀調繁湘潭周瑞豹調煩江陵各經
三載餘矣任內錢糧別項俱完獨鄭友玄前任

青浦金花尚欠三千五百九十三兩零臣部近
經叅及陳文耀前任長沙黔餉尚欠七百八十
三兩一錢三分二釐督臣張鶴鳴曾一叅及周
瑞豹自寧鄉調江陵先後兩地亦以黔餉逋欠
八百二十九兩六錢三分七釐二毫三絲督臣
張鶴鳴朱燮元曾經叅及臣前疏謂周瑞豹陳
文耀未完餉數尚欲索咨于總督鄭友玄更調
既久正望候斷于

聖裁。今各縣士民之在長安者思三令棠蔭新被

政難忘。瓜期已週。回任未便聚向。臣部忻忻相告。俱願照數赴部樂輸。臣等順人情之便。佐國儲之急。且曾奉有順資續解之

旨推廣

聖意。輒允其請。隨查長沙江陵黔餉銀兩原經題請半歸臣部。備充新餉。其青浦金花銀兩暫貯太倉。俟該府解至一同恭

進。此三令者。昔稱未完。今已續完。亦當一體留部。有也。其武清知縣王國訓馬房子粒完米足額

徵急公靡懈臣等備員

國計惟執錢糧完欠多寡以問有司之殿最遵奉
明旨分別去留應暫去者祇因叅罰未開後效可期
原不斷其清華之路應卽留者正緣錢糧解足
風勵宜先似難緩其考選之期成冊具在臚列
昭然旣不敢一毫遺隱又安敢一字瞻徇耶至
于宗祿一項向無完欠細數報部臣前疏稱上
饒原無宗祿者因該省撫按特叅宗祿逋欠一
疏備列合省官員而不及上饒以是謂上饒無

宗祿也若何應瑞奏廣信從來不解或亦舉府而槩言之耳今查上饒知縣翁竟成近日已陞鄧州知州亦不在考選之數矣謹據實披瀝奏

聞所有前項推知各官應否留部考選伏候

聖明裁定

勅下吏部遵奉施行

崇禎四年四月初一日具

題本月初四日奉

聖旨本內錢糧完欠各官分別明悉知道了推官方
之翰等知縣宋賢等俱准一體行取考選內王國
訓既欠馬房子粒着另行查議來着其餘郭必昌
等一十三員見經叅罰不准考選通俟征解完日
奏奪高鳳翔張毓泰侯史禮二部勘議另覆上饒
宗祿還着該撫按明白奏來該衙門知道欽此

簡舉行取知縣黃績祖脫前職名疏

奏爲簡舉改正乞

恩認罪事崇禎四年四月初一日該臣部題爲查明
行取各官錢糧據實披陳以祈

聖斷事一疏并將各官任內錢糧完欠多寡列款造
冊恭進

御覽本月初四日奉

聖旨本內錢糧完欠各官分別明悉知道了推官方
之翰等知縣宋賢等俱准一體行取考選內王國

訓既欠馬房子粒着另行查議來看其餘郭必昌等一十三員見經叅罰不准考選通俟征解完日奏奪高鳳翔張毓泰侯吏禮二部勘議另覆上饒宗祿還着該撫按明白奏來該衙門知道欽此欽遵該臣莊誦

勅旨之餘深慶登明選公之典復取各官吏部原咨及臣部具題疏稿并錢糧冊稿再一披閱內有山西平陽府趙城縣知縣黃績祖原係補任該縣經管崇禎二三兩年錢糧原無太倉項下止

有加派襍項

內供民運等項共額銀一萬九千六百六十八兩
零本色顏料六百六十斤五兩已完銀一萬八
千九百九十二兩零本色顏料全完止未完民
運銀六百七十餘兩通計尚欠三釐例應在於
留部之內與武清縣知縣王國訓績溪知縣鄭
觀光等官原同列一項款也不意

御覽冊內雖備列本官錢糧完欠細數及查題疏偶
遺本官職名臣對閱至此不覺目眩魂搖措躬

無地蓋緣仰遵

皇上銷筭不明責在該部之

旨凜慄

天威夙夜靡寧其清查完欠也惟兩目自爲憑其親
註職名也惟一手自爲役既欲杜數內游移之
奸又欲防事前洩漏之弊竊謂用勤補拙矢獨
爲公其難其慎或可少追罪戾於萬一不料萬
分慎重之中又有一名錯落之罪但題疏雖有
掛漏而清冊見在

御前實係微臣倉卒之誤無心之失然而心力欲竭
昏瞶難醫之狀固已昭然于此舉矣除臣簡舉
認罪恭聽

處分外伏祈

皇上查對

御覽冊內如果臣言不謬委係錯落仍將趙城知縣
黃纘祖

勅下吏部與同行取各官一體考選庶不以臣之偶
悞而本官則臣之罪明而臣之心亦安矣臣可

任惶悚隕越之至

崇禎四年四月初八日具

奏本月十二日奉

聖旨據奏知縣黃纘祖前疏偶遺知道了着吏部一體考選卿不必引咎旨內多寫具字刪正行欽此

太僕光祿借銀回奏疏

奏爲恭謝

天恩併據實回

奏仰祈

鑒宥事本年四月十九日恭奉

御前發下紅本該太僕寺卿鄭宗周題爲遵

旨密奏事奉

聖旨問銀暫借速還已有明旨着一直允發一直兵部創行查外解到戶部即照數補償不得遲欠致

誤正吏該衙門知道欽此又該地極等卿王雅量
題爲缺餉坐待無策等事奉

聖旨該寺銀兩尤難輕借既經明旨且權宜允給查
外解到部即着照數補還不得遲悞該衙門知道
欽此欽遵臣等捧誦

綸音感媿交至念臣持籌寡集致以情急呼籲起寺
卿之誚讓煩

天語之傳宣非獨臣部暫紆倒懸之苦即關薊將士
風傳

總意未有不踴躍思奮者矣臣等感激

天恩正擬具疏申

謝間復奉

紅本該臣部題爲欽奉

上傳事奉

聖旨奉旨數日太僕光祿方始具疏顯係該部咨會
稽遲且銀未實領不即明奏徒將派發委官紙上
臚列何濟急需其太倉庫銀何故直待十八日始
行起運着該司官一併回將話來欽此欽遵臣等

竊念

天地亟欲沛噓稿之澤鞭霆惟恐不力父母亟歎止
饑兒之啼乳哺猶虞或濡求之懇而行之滯

上方急而下乃緩實臣等之罪也然而臣之罪實不
止此

皇上授臣以錢穀之任既不能儲餉籌邊爲三軍坐
致飽騰又不能汰冗去甚與樞督爭此物力而
迫則乞借真罪當萬死而惶恐無地矣若夫兩
次移會光祿太僕原未稽遲總以向人乞憐緩

急不得自主未能應手即發臣部司官薛邦瑞
前疏已備不敢再贅其太倉銀兩亦遲至十八
日者於十五日劄太倉庫并太僕光祿二寺而
該司掛號印結與移會兵部車駕司請發車單
亦於是日并發矣十六日委官王文道等赴新
舊督餉科院四衙門掛號蓋緣舊例新庫銀兩
必新餉科院掛號投單始爲憑准太倉銀兩必
巡視科院親臨監兌而後給發此從來規制有
不容紊者也又據管庫主事潘永圖呈稱京糧

一萬係巡青科院收兌該司不得擅動老庫銀
兩係總督倉臣封鎖該庫一面移會巡青一面
赴通申請督部赴鑰故十七日猶稽遲半日必
待至十八日午刻方能發完此不得不停待信
宿而非敢毫有怠緩於其間也既奉有司官一
併回話之

旨臣等何敢爲司官辯而臣部發銀始末實是如此
謹據實回

奏伏乞

聖明曲賜矜宥至於光祿寺銀二十日已經允給是
在發行而太僕寺銀猶在遲疑又非臣部所能
取必也臣等曷勝悚息待

命之至

崇禎四年四月二十日具

奏本月二十四日奉

聖旨朕軫念窮軍請餉立報何得部行友自延緩卿
還嚴督司官不得拘牽格套至于軍國大計尤在
商確士馬裒益盈虛務圖經久可繼之策若徒緩

急籲陳以致執爭煩瀆殊非倚任至意這所奏
道了欽此

恒賜示做恩譴片以回天心疏

奏爲民生日困恒賜示做農政不修臣罪難辭懇
恩譴片以回

天心事邇者兵餉倍增太倉告匱臣等憂心如焚所
日夜冀望者惟年穀豐登輸輓無缺可少救然
眉之急耳而無如亢旱千里三春不雨何也我
皇上齋居減膳不遜桑林之禱

矜宥累臣不殊解網之仁謂可甘霖立應以符
至聖之精誠廼

皇朝也膏猶若有所吝者臣等捫心自揣拊躬省過
奉職無狀之罪又安敢緘默而不以自暴也夫
臣部職掌民事者也自屬難作而稅畝起供億
者日新月盛搜括者智盡能索寓內之民力已
云竭矣寬徭薄賦既難徼惠於夙昔緩征蠲免
又難望幸於目前新加舊加取盈一旦誰憐剥
喙之悲見徵預徵交責終歲罔恤焚林之慘明
知累年之積逋誅求頗艱而減一分便少一分
之用度痛心近畿之召買疲累已極而免一粒

遂缺一粒之本色考成之令既嚴繭絲之政愈
密寓催科於撫字既難盡信於有司防侵漁於
漏卮安能責望於邊將肉雖剗矣終難補瘡痍
之罄矣唯壘是耻夫迫於追呼者賣兒鬻女豈
盡終事之民即困於久戍者呼地籲天果皆同
仇之旅在在抑鬱處處愁苦臣等上之不能宣

鬯

皇仁下之不能休養黎庶誰職民事爲此厲階所以
昕夕徬徨仰天欲絕而知亢旱示戒已昭布臣

等之罪過於天下矣。倘昊天不弔，膏雨愆期，三秋失望。

國課日虧，秦晉之顯禍難療。九邊之隱憂漸起，言念及此，臣溺職之罪可勝誅乎。臣不敢逐隊襲陳，惟是循分躊躇，萬難自解。屏息公署，席藁待罪，伏祈

皇上將臣立

賜褫斥以爲計。臣不能省賦綏民之戒，別選賢能從長消弭，庶應禱之甘澍立沛而封疆之餽餉無

悞矣

崇禎四年四月二十八日具

奏五月初二日奉

聖旨軍興煩費民力殫窮卿籌畫心勞朕所素鑒不必引咎口轉輸既難常繼節省尚可致贏凡飭屬釐奸覈虛歸實職掌所關亟宜講究務使軍民兩利緩急無虛以稱倚任之意該部知道欽此

剖明龐杰黃金貴等開復查叅之繇疏

奏爲剖明開復查叅之繇祈

恩認罪事臣濫竽主計三載於茲仰奉

皇上明作之治日行文移莫不就兢字櫛句比况於
叅罰所繫核完欠以明勸懲雖案呈自司官而
臣與同官再四商量尤倍恭慎不意識闢慮疎
偶有誤叅如龐杰一事類題開復致

皇上款原無加派之非實而併王猷石上箴亦疑之
且一事破綻語無足採遂令黃金貴等四縣官

不得微

如天之仁一列考選臣愧實深臣罪滋大敢薦藁補
牘以聽

謹斥焉本月二十四日臣部爲查明開復官員事奉
聖旨據奏王猷完餉止據本官具呈仍無撫按咨報
石上箴既稱丁憂離任今以何官開復龐杰先因
加派未完被叅必有所據今又說該縣原無加派
該部職掌錢糧何得漫不綜稽任意顛倒這疏有
無飾徇着該司官明白奏來欽此同日又爲劄司

預徵新餉緣繇懇乞查明具題以便考選事
聖旨奉旨事件必查明道里月日方能叅罰當辜據
奏黃金貴等赴覲在先部文在後該部何不一查
輒行題叅且各官奉旨已久何爲玩若罔聞不早
陳剖直至考選在即方求部代題若詔令不信勒
懲紛更成何政體本內管天衢已經革職尚議移
罰該司官種種踈誤念係新任姑不究述旨內多
以字刪正行欽此欽遵臣捧讀之下惶恐無地因
再取錢糧完欠數稽之福建通省元二三年加

派募項每年俱已及額泉州府知府王猷果無
毫逋該撫按咨文不至者緣本官覲參全完二
三兩年罰俸俱已題復或不知尚有元年未復
之俸臣部不敢久懸遺案例應隨便據呈顯題
以省煩牒則王猷之當復臣實無飾徇也石上
箴任宜川縣不滿一年已解七年分加派一千
六百六十兩即丁憂去臣部疏叅之日乃其丁
憂之後秦撫咨稱上箴七年六月始任則上半
年應屬署官同知吳士膺事今查七年未完具

奉

旨停免使其在任亦當議寬况丁艱已久不預題明
何日可復但疏中當云俟服闋補任之日准與
開復則語意明白可免

聖明詰問是疏詞之不能達意也石上箴之當復臣
實無飾徇也龐杰任滎澤知縣滎澤濱河衝瘡
該省編冊覲冊及臣部前造行取

御覽冊俱開無加派惟祿項一百四十兩有奇本官
於未叅之先已完過一百一十四兩零祇緣新

餉司舊役緣事新役謬認止完襍項而欠加
遂開作未完以誤司官臣亦於倥傯中不及
點駁改今書役馬之遴雖經痛懲司官薛邦瑞
雖自簡舉臣終無顏以謝龐杰則杰之開復原
屬無辜臣實無飾徇也至若黃金貴等臣部止
憑完欠照例叅罰實不知其離任先後即金貴
等杜門城外自信覲叅行取已無禍謫亦未
踵部門申說離任蚤晚故不免於叅罰畢竟
覲在先部文在後臣與司官思索未周實切愧恨

貴等雖不怨臣部之苛臣部實不能不引咎
叅罰過當踟躕無計矣諸臣委罪於署印各官
未爲無說且有援兵借用之七萬在焉安知非
各縣之銀也所幸廣東解官李思聘以五月二
十四日至京又續解到銀五萬兩據冊開四縣
所解額似未足然以通省預徵三分計之合前
解到銀四萬兩亦已於額無歉則贖過有據議
復非爲無因况四官離任在先不應受罰又已
蚤蒙

聖鑒者也人才實難外吏更劇五年勞瘁不得休息
清班想

聖明當亦垂憐得之不得雖有命而一日不與考選
是臣一日蔽賢之罪也臣所以不揣而再爲全
貴等饒舌乞開復者也總之臣衰朽已極力有
視事視耗聽災既不能細查拙胥之誤以累
杰望微言輕又不能力回

金石之罰以寬四縣然終不能已於言者臣叨
恩遇已極五令策身方始誠甘以一身之斥而易

令之罰豈惟

朝廷勸懲咸當即臣愚竊寐亦安矣除臣伏候譴責
外伏祈

勅下吏部將王猷石上箴龐杰准與開復黃金貴等
亦一體准復原留部者即與考選臣雖棲息長
林有餘適矣臣曷勝悚息待

命之至

崇禎四年五月二十六日具

奏本月二十九日奉

聖旨王猷以何時被叅該省錢糧冊何時到部
詳奏併石上箴另本候奪黃金貴等前旨已明詔
令豈容頻改本內尚稱四縣解額未足着候解足
日奏明准與續到推知一體候考榮澤縣加派事
情已有旨了卿總司國計叅罰宜嚴屢疏已見憐
才不必引咎固請該部知道述旨內專字誤掌改
正行欽此

題蠲^フ七兩年未完京邊祿^ハ錢糧疏

題爲

聖主爲民求瘼^ヲ遇災思救敬循職掌據未議以

答

乾^ニ事臣頃^ハ年四月三十^ニ日因旱陳言臚列十

事仰効芻蕘未議五月初三^ニ日奉

聖旨覽奏十款俱關籌兵裕餉恤民至計內蘄^ハ島秦
晉^ハ及賦役火耗等項已有屢旨召買量收本色卽
如議飭行其舊餉應蠲鋪墊應減追贓應豁酌着

該衙門查明開列來看省直歷徵前著各撫據
核歷來緣繇如何未見回奏還立限與他欽此欽
遵查得旱災流行民生困苦臣部遇災思懼條
議數款與民休息幸荷

聖明採擇臣部遵奉

德意應申飭者申飭應咨酌者咨酌亦既與海內共
見之矣惟蠲免天啓六七兩年舊餉一款恭繹
著該衙門開列來看之

育仁風雖已翔被窮黎而

宸慮似尚慎重者臣再閱

冊立

恩詔內開載一款省直本折錢糧一項款出入無一
可緩而軍需旁午災祲頻聞瞻念民生殊深憫
惻今特分別蠲免兩直十三省夏稅秋糧本折
起存錢糧自天啓七年以前除已徵在官及那
移別用者仍照舊起解抵補外查果小民拖欠
准與豁免我

皇上固先已慨然允蠲矣而在官在民那移別用之

隱情文移駁查經年累月尚無成議故臣前蒙
科臣史應聘題爲

聖主之焦勞已極一疏奉有天啓六七兩年夏稅秋
糧旣奉恩詔蠲免如何又說今或實蠲以昭皇
仁可是蠲過錢糧尚未全豁還著明白奏來之
旨是

皇仁未嘗不欲速蠲而奉

詔者有不得不猶豫兩可之勢今懸揣該衙門開列
不過曰實在民欠若干而在官那移與否無論

後官既不及知前官之事、恐後官亦不能償前
官之逋、况積逋之案、一旦傳開議免、再無完理
而講求開造之際、里胥因而需索科派、竊謂臣
部叅罰之數、皆省直郡縣、毫不肯虛認之數也。
但百姓之所苦者在催徵、而州縣之所苦者在
彈射、在有司顧此失彼、勢必挖新以補舊、在百
姓暮四朝三、何如蠲舊而完新、莫若查照

覲冊未完之數、直截盡蠲、布告海內曰、戶部天啓六
七年舊餉未完、俱照

冊立

恩詔。槩置勿問。使百姓曉然於

金石之令。而有司亦不致前後瞻顧。爲猾胥所愚。以

困苦百姓。則蚤蠲一日。蚤得一日之休息矣。抑

臣因是而並有請於六七兩年新餉之襍項也。

夫臣部日夕向省直禿頰而催。聚訟而講者無

非搜增於襍項之額外。何敢議減於襍項之額。

中。且臣與同官右侍郎周士樸題定帶徵載入

考成催督矣。疏墨尚鮮。臣豈其善忘至此。惟是

天啓六七兩年省直襍項臣部徒虛執其籍至
崇禎二年各地方始認有定額今欲以新定之
額懸索未認之帳於三四年前無論有司實應
且憎而催者自催逋者自逋其何以信

功令且也襍項最多者惟抽扣一項而抽扣實在舊
餉之中今舊餉旣蠲則不得不併蠲襍項也不
者我欲帶完六七年之二分而彼將割三四年
之二分以應那東補西名完實欠况乎完者之
寥寥也臣竊憶年來搜括之煩沃土亦鮮遺力

參罰之頻循吏幾無完膚允可爲督撫計者
部不憚儘力任然而行之矣乃

覲旋已久預徵尚多懸額時將季夏初限大半愆期
豈有司之愚甘以其官爲射的而徃緩徵之小
仁忘巖疆之大恤耶大都民間止有此物力寅
支卯糧則卯年之逋勢也郡縣止有此敲朴趨
新償舊則新額之逋亦勢也臣愚不識進止妄
謂欲急見額正當示寬舊額欲了近欠正當盡
蠲久欠則從此見額之相續捷如流水或可計

日而俟也。比者秦晉災荒，業已數年。今天尚未
梅福頃復旱魃爲虐，卽齊豫江北之區俱見告
矣。若必待其額

請而後蠲，何如

恩自上出者之足爲感動耶？况遠年虛坐之襍項與
實地徵收之加派固自不同。又不患省直之覲
覲倖免也。謹將天啓六七兩年未完舊餉并天
啓六七兩年未完襍項開坐於後恭候

於縣平二萬一千五百有奇

聖裁。其已徵收在官或起解在途者地方亦有簿

必有文案若故爲隱匿尅留者臣部得於訪聞
定執白簡從事卽省直撫按亦自當據實簡查
以

聞也伏乞

勅下臣部將天啓六七兩年

恩詔內應赦舊餉照數豁免併六七兩年新餉內應
坐未認襍項照數停徵庶省直得一意完新而
臣部亦用以蘇息災黎不致藉口重科縣也矣

開

一舊餉未完

山東省

天啓六七年分未完太倉銀三千七百一十二兩九錢六分九釐二毫

河南省

天啓七年分未完太倉銀七千六百五十

三兩五錢九釐

南直隸

寧國府

天啓七年分未完太倉銀三百五十三兩

二錢一分

蘇州府

天啓六年分未完太倉銀四萬四千六

百八十八兩三錢八分四釐

松江府

天啓六年分未完太倉銀二萬五千三

百四十四兩四錢五分四釐

常州府

天啓六七年分未完太倉銀一萬一千
百五十七兩九錢三分八釐

鎮江府

天啓六年分未完太倉銀六十八兩七錢

淮安府

天啓六七年分完太倉銀一萬六百九十

一兩八錢四分三釐

揚州府

天啓六年分未完太倉銀四百四兩四錢

以上共未完太倉銀壹拾萬肆千柒百柒拾肆兩肆錢柒釐貳毫

一新餉未完

浙江省

天啓六七年分未完襍項銀一十五萬一百四十兩四錢三分五釐

江西省

天啓六七年分未完襍項銀八萬二千八百五十一兩八錢八分七釐三毫

福建省

天啓六七年分未完襍項銀二萬五千四百五十五兩九錢七分七釐

山西省

天啓六七年分未完襍項銀一萬四千二百七十二兩三錢二分八釐

陝西省

天啓六七年分未完襍項銀七萬四千一百四十六兩四錢一分

廣東省

天啓六七年分未完襍項銀二萬三千四百三十六兩七錢四分五釐三毫

應天府

天啓六七年分未完襍項銀一千九百三十兩九錢一分八釐六毫

安慶府

天啓六七年分未完襍項銀二千八百一十九兩五錢八分二釐六毫

徽州府

天啓六七年分未完襍項銀一千三百四十四兩八錢七分二釐

寧國府

天啓六七年分未完襍項銀七千一百八十四兩四錢

池州府

天啓六七年分未完襍項銀三千六百一十九兩二錢九分三釐五毫

太平府

天啓六七年分未完襍項銀五百二十七

兩七錢四分

蘇州府

天啓六七年分未完襍項銀二萬六千七

百七十五兩六錢四分二釐八毫

松江府

天啓六七年分未完襍項銀六千五百六

十五兩九錢三分三釐

常州府

天啓六七年分未完襍項銀五千三百三十五兩六錢五分五釐九毫

鎮江府

天啓六七年分未完襍項銀七千四百五十九兩九錢九分六釐

廬州府

天啓六七年分未完襍項銀四千八百五十三兩二分四釐

鳳陽府

天啓六七年分未完襍項銀一萬八千

百九十二兩四錢四分

淮安府

天啓六七年分未完襍項銀二萬四千五

百六十兩八錢三分七釐八毫

揚州府

天啓六七年分未完襍項銀三萬三千

百六十兩八錢四分

廣德州

天啓六年分未完襍項銀三百三十四兩
七錢四釐六毫

徐州

天啓六七年未完襍項銀三千九百七十
九兩二分八釐五毫八絲零

滁州

天啓六七年分未完襍項銀一千三百二
十四兩三錢三分一釐八毫零

和州

天啓六七年分未完襍項銀一千二百兩

十八兩六錢八分三釐

以上通共未完銀伍拾貳萬壹千伍百貳拾肆兩陸錢柒分柒毫捌絲

崇禎四年六月初七日具

題本月十一日奉

旨、這天啓六七兩年、各省直未完舊餉、併襍項銀兩、依議照數蠲免、以示朝廷軫恤窮黎至意、欽此

該撫按大書榜示不許徇猾暗混從其有已徵
及起解的仍着查明報部敢有乘機隱尅者定行
重治

比例陳情懇給新銜 詔命疏

奏爲比例陳情懇給新銜

誥命以廣

皇仁以隆孝治事竊念臣自嚴備位度支叨

恩過分方媿捐糜之未效敢冀

褒璽之頻膺惟是明發興懷斯夕耿切憶客歲秋

皇上因四城恢復

天恩浩蕩奉

旨諭令兵部在內部科等官還確查經管任事的另

疏敘

奏該前任兵部尚書梁廷棟查敘覆

請仰荷

聖慈加臣自嚴太子太保賞銀二十兩紵絲二表裏
欽此臣至不才一旦躋官寮之崇階被銀幣之
溫澤固已榮生望外而感切縣衷矣但

聖澤如

天每覃敷以錫類而烏情反哺實元本于所生竊願

微惠

綸綍資

寵松楸而未敢冒昧請也近見協理京營戎政太
子太保兵部尚書閔處得業以城守新銜疏
請

誥命部覆

俞允欽遵在卷雖登埤布陣固績懋千城而秣馬餉
軍亦勞均

王事且援兵四集供億倍艱則區區犬馬之指據實
與戎政衙門表裏行間不能不希

恩一視者也爲此不避瑣聒援例上

請伏祈

皇上俯念事同一體

勅下吏部查例具覆儻俾臣祖若父同被
恩綸垂休奕世則臣闔門存沒共圖啣結
高厚於靡窮矣臣無任隕越祈禱之至

崇禎四年七月初九日具

奏本月十二日奉

聖旨該部查例具覆欽此續該吏部題覆奉